



Дагъусттаннал устартурал ужагъ ябуллай

Жула лаккудуш Земфира Омарова зий бур Аьсрудал лахъшиврий ца никирал вамур никиран лахъхъин буллай ябувсса канил Жпишарду бухлаган къабитаврицун кабакъу буллалисса МахIачкъалаливсса Халкъуннал канил пагъмурдал центрданий.

14
лаж.



№13
(2231)

5 АПРЕЛЬ 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буллай бивкIессар 1917 ш.
Цунил итабакълан бивкIессар 1991ш.

«Зунттайн я щусса чIумал, ттувун ххишаласса рухI дучIай»



6 лаж.

Уттигъанну оьрмулул юбилей кIицI ларгунни ДР-лул транспортрал лайкъ хъусса зузала, техникалул элмурдал кандидат, шала оьрму авиациялуцIун бавхIусса, миллатрал хIакъсса патриот, Акбардул арс Абакаров Жабирдул. Ва ур лакрал миллатрал дянив

махъ нанисса, сий дусса, оьрмулулгу, захIматралгу ххулу лайкъну бутлатисса инсан. ЧIумул муталий ванал дурсса чIярусса лайкъшивурттугу лахъа-хъунсса цIардайн, къиматрайн тамахI бакъа, миллатрал арсшиврул ва инсаншиврул цIанийсса дур.

«Лакрал шяраваллан лакрал имамтал биял хъанай бакъар»



10 лаж.

Мубараксса Рамазан зуруй «Илчилул» хъин хъамаличувну хъунни Ккуллал райондалул имам МухIаммад-Маннар Бариев.

АрулцIалва ттарлил мурхъ бувгъунни

МахIачкъала шагърулул Ленинул комсомолданул цIанийсса Мпаркраву хъунни Дагъусттаннал вацIлул хозяйствалул комитетрал сакин бувсса «Аьпалул багъ» бугълагъисса акция.



Ва хас бувну бия Украиннал аьршарай нанисса хасъсса аьрлий операциялий ватандалул ххулий чувшиврий жанну дуллусса аьралитурал ва ватандалул мурадру буруччаврил ххулий ливтIуминнал аьпалун.

Мурхъру бугълагъисса акциялий гьуртту хъунни хасъсса аьрлий операциялий жанну дуллуминнал гъан-маччами ва «Волонтеры леса» тIисса жяматийсса ккурандалул вакилтал.

Мероприятие тIитIлай, Да-

гъусттаннал вацIлул хозяйствалул комитетрал каялувчи Вагъаб АбдулхIамидовлул барчаллагъ увкуна ватандалул ххулий жанну дуллуминнал гъан-маччаминнахъ, кIицI лавгуна цува хIайранну ушиву жула ватанлувтурал чувшиврий.

Акциялул лагрулий бувгъуна арулцIалва ттарлил мурхъ, вайннул дянивгу ца кIялагъилулсса – къювулийсса ниттил лишан хIисаврай.

Зулайхат ТАХАКЪАЕВА

Агъамсса масъаларттал хIакъиравусса батIаврий

Апрельданул 2-ний Дагъусттаннал бакIчи Сергей Меликовлул дунни актуал масъаларттал хIакъиравусса батIаву. Ххал бигълагъисса масъаларттавух бия властьрал органнал инсантурал лабизавуртта къулагъас дуллаварил даража, мяъдану льякъавриву дуллалисса давуртту дюхъан даву. Белгородуллал улкяу бивкIсса оърчI-бакI, къамулгу бивну, паракъат бансса кIанттурдугу дузал баву, сертификатру дакъасса газрал оборудование ашкара дуллалисса рейдирдал хIасиллу.



Ларгсса нюжмардий Дагъусттаннал ЦУР-данул сияхIрайн ларсун дур 1,5 азара инсаннал лабизаву.

ДР-лул БакIчинал ва ХIукуматрал Администрациялул каялувчинал хъиривчув МахIач Оьмаровлул бусаврийну, исполнитель властьрал органнайн тIайла дурккун дур 609 лабизаву, муниципалитетирттайн – 558, личIи-личIисса ресурсоснабжениялул идарарттайн – 399.

МахIач Оьмаровлул бусаврийну, «Къулайсса шагърулул кIанттурду дузал баву» тIисса федерал проектрал лагрулий Дагъусттаннай 5 шинал мутталай дузал бивну бур азаллихIайсса жяматийсса кIанттурду.

Сергей Меликовлул тап-

шур бивна, инсантурал лабизавуртта къулагъас хъун даву мурадрай, регионалий цифралул хIукмурду зузи баврил хIакъиравусса предложенияртту хъхъичIун ласун.

Республикалул каялувчинал пикрилий, инсантурал лабизавуртту ххал дигъаврил буши ттигу хIурхIанува бур. Инсантуран аьркинссар бигъанма лабизан властьрал органнайн ва чъясса мутталай ласун тIайла жаваб ва масъала дузал бувансса кумаг. Лабизаву дуван аьркинни ЦУР-даний, Минцифралый ягу цамур площадкалий.

Дагъусттаннал къамул бивсар ва улкяусса 500-нихла ливчусса оърчI-бакI цулулушиву дуруччин ва бигъалаган. Вай

къамул баврил сакиншиндарал хIакъираву бивсуна региондалул вице-премьер Муслим Теляковлул. Ванал тIимунийну оърчIру-бакI шадлугърал тагъарданий хъунабавкъуну бур вокзал-даний, дузал бивну бур дукиялул ва транспортрал. ОърчI-бакI ва миннашал бивкIми паракъат бивну бур «Бургил зума» тIисса лагерданий, МахIачкIалалла ва Дарбантуллал школа-интернатирттай. Циняв оърчIру ххал бивгъуну бур хIакъираву, гъарцаннан бивну бур социал паспортру.

Апрельданул 1-ний шийнай сакин дурну дур дуккавугу.

Сергей Меликовлул тапшур бивна Белгородуллал оърчIру гуртту буллан культуралул ва спортрал иширттавух.

Дагъусттаннай дачин дурну дур газ ишла баврил сайки 5,5 азарда къяйдурду лиян дуллалисса иширттал хъхъичIалу къукаврин хасъсса давуртту. Ми ашкара дуван кумаг хъуну бур рейдру даврил меропряттирттай. Рейдру дуллан бивкIун бур Сергей Меликовлул сипталайну. Гъашину 2 зурул мутталай хъиривлявуртту дурну дур ларгмур шинал дурминнуяр ххисшаласса.

Январьданул 23-ний апрельданул 2-нин ххал увну ур 31 азара абонент (муштари). КIул увну ур 1,5 азара муштари закондалий бакъа турбарду газрал сетирдацIун бавзусса, 4 азарунаха ливчуссаннал ишла дуллай бивкIун бур сертификация дакъасса газрал оборудование. Муния бивсуна республикалул энергетикалул ва тарифирттал министр Марат Шихаьлиевлул.

Масъалалул хIакъираву ихтилат бивна «Газпром межрегионгаз Махачкала» идаралул гендиректор Ризван Мурадовлул.

БатIаврий ххал бивгъуна цаймигу масъалартту.

МахIачкIалалив, Дусшиврул къатлуву, хъунни «Современный терроризм, его проявления и методы противостояния» тIисса семинар. Ванил сакиншинначи хъунни Терроризмалул талатаврин кабакъу буллалисса фонд.

Терроризмалул талатаврил ххуллий



Шикку гуртту хъун бивкIун бия республикалул личIи-личIисса вузирдавасса студентгтал. Меропряттие тIитIлай, ихтилат бивна Фондрал президент Рустам Исламовлул. Ванал лашан дурна терроризм обществалул, жула оърчIал ния дуллалисса вирусраха. КIицI лавгуна, ва чапалшиву марцI даврил ххуллий, цинявпа ца хъуну, зун аьркиншиву.

Хъирив ихтилат бивсса Дагъусттаннал ХIукуматрал Председательна хъиривчув, генерал-майор Рамазан ЖахIпаровлул кIицI лавгуна, зий хъунма хIал къавхъунугу, терроризмалул талатаврил ххуллий Фондрал чIярусса давуртту дуршиву.

– Дагъусттаннан шинниярду ххуйну кIулссар терроризм цирив. Ихтиярду дуруччай органнал, агъалинал ва духовенствалул хIарачатрайну, жяматийсса ва жагъилтурал организациярдал кабакъулийну, жушара му бас дан бювхъуссия. Махъсса ппурттуву цунилгу бардулт хъуру терроризмалул оьхIалшиврул. Жува циняв сси-къащилул бугъан бунну «Крокс Сити Холл» залдану хъусса оьсса балалул, – увкуна ванал. Рамазан ЖахIпаровлул мукунама дакIийн бивтуна та иширацIун бавхIуну Дагъусттаннай бивсса террорданийн къаршисса операция. Бивсуна ва операциялул лагрулий теракт дурминнашал дахIаву дусса инсантал бивгъушиву.

Дагъусттаннал миллатрал политикалул ва диндалул иширттал министр Энрик Муслимовлулгу кIицI лавгуна Дагъусттаннал халкъуннан цайнна шуну кIулшиву терроризм цирив.

– Жунма чIалай бур циксса инсантал букIлай буссарив Дагъусттаннай. Мунилгу бусла-сиссар регионалий паракъатсса тагъар душиву. Амма, хасъсса аьралай операция байбивхъуну махъ, Западрал ва миннал спецслужбардал обществалул личIи-личIисса структурардайхчин жува

бас бансса къаст лахIлай бур. Утигъаннусса теракт дан миннал ишла бунни иммигрантгтал, – увкуна министрнал.

Ттизаманнул терроризмалай ва мунийн къарши бацIансса чаранная бусласисса ихтилат бивна Терроризмалул талатаврин кабакъу буллалисса фондрал директор Светлана Гриценкол. Ванил бивсуна Украиннал спецслужбарду ва Западраясса миннал каялувчитал чялиш бивккун жагъилтал кIункIу буллай бушиву терактру дан.

– Жулва мурад жагъилтал, хъяврин хъуну, миннал къатIухъуну бирийн къабитавур. ХIакъираву семинарду жагъилтурахъ терроризмалай ва мунил буллацIисса балардая бусансса, вай бакIрай бацIан баву, дюь дишаву мурадрайсса агъамсса ишну хъунни, – увкуна Светлана Гриценкол.

Мукунама, жагъилтурай, личIлулну бикIяра тIий, оьвчаву дуллалисса, ихтилат бивна Аьрасатнал Виричув МахIаммад НурбахIандовлул буттал НурбахIандовлул. Светлана Гриценкол дакIийн бивтунни 2016-ку шинал террористгтурал канища ивкIусса полициялул лейтенант НурбахIандовлул «Зузияра, уссурвал» тIисса, хIакъираву террористгтурашал талатиминнан девизну хъанахъисса, террордануштал циняв цачIу талан аьркиншиву бусласисса махъру.

Жагъилтурай, личIлулну бикIяра тIий, оьвчаву дуллалисса ихтилат бивна Дарбанливсса Дагъусттаннал университетрал филиалданул директор, экономикалул элмурдал кандидат Исмяил Аьбдукаримовлул.

Аьрасатнал ФСБ-лул директор Александр Бортниковлул бусла-сиссар мунийн бивну, хасъсса аьралай операция байбивхъуну шийнмай спецслужбардал ва ихтиярду дуруччай органнал ххуллу къувкъуну бур 419 террорданул тахсиркаршиврун.

Анриана Аьбдуллаева

Коррупциялийн къарши буккаврил масъалартту ххал бивгъунни

Мартрал 29-ний Дагъусттаннал бакIчи С.А. Меликовлул каялувшиврий хъунни Дагъусттан Республикалий Коррупциялийн къарши буккаврил давурттал координациялул комиссиялул батIаву.

Комиссиялий ххал бивгъуна укусса масъалартту:

2023 шинал Дагъусттан Республикалий коррупциялул даража аьям баву ва коррупциялийн къарши буккаврил давурттал хIакъираву; Дагъусттан Республикалул прокуратуралул 2023 шинал коррупциялийн къаршину дурсса давурттал хIакъираву;

Дагъусттан Республикалул виваллил иширттал органнал 2023 шинал коррупциялийн къаршину дурсса давурттал хIасилла хIакъираву;

2023 шинал коррупциялул ххуллийсса преступленирттан хасну сукку дурсса ва силеста бачин бивсса уголов делордал хIакъираву.

Сергей Меликовлул бусаврийну, яла чIявуми коррупциялул ишру хъанай бур бюджетрал ва социал иширттаву, паччахIлугърал ва муниципал аьркинлугъирттансса заказру

бартдигъавриву, аьрши ишла давриву ва ЖКХ-луву, цулулушиву дуруччавриву. Ванал ихтиярду дуруччаврил органнал каялувчитурайн тапшур бивна системалийну хъанахъисса, хъунисса къуллугъирттайсса инсантурал дуллалисса коррупциялул преступленирттал хъхъичIалу къукавру гужлан дуван.

Цалчинмур масъалалул хIакъираву махъ лавхъуна Коррупциялийн къарши буккаврил управлениялул хъунама М.П.Генжехановлул. Ванал бивсуна 2023 шинал управлениялул дурсса давурттай. Управлениялул хъунаманал тIимунийну, республикалул ялапарлувтал чъясса ппурттуву кIул байсса бур властьрал органнал коррупциялийн къаршину дуллалисса давуртташал. Му мукун бушиву исват буллай бур «Дагъусттан Республикалий коррупциялул даражалун къимат бишаву» тIисса социологиялул ахттар

бавурттал. ЦIуххавурттал гъанулийсса ккаккирттайну коррупциялул властирдал дачин дурсса талатаврил иширттая кIулну бур 74,7% респондентгтуран, вай 5,2% гъарзану бур дукIу вара чIумал жавабру дуллуннаяр.

Ххал бигълагъисса масъаларттал хIакъираву ихтилатру бивна Дагъусттан Республикалул прокурорнал буржру бартбигълагъима Р.К. Ляпинлул, Дагъусттаннал виваллил иширттал министр Аь.М. МахIаммадовлул, Дагъусттан Республикалийсса силестталул управлениялул каялувчи Д.В.Беляевлул. Вайнал бивсуна дурсса давурттал хIасилла, коррупциялул ххуллийсса преступленирттайну сукку дурсса ва ххал диргъусса уголов делардая, къуллугъитурал хIакъиравуссагу хIалану.

Дагъусттаннал бакIчинал дуруна заседаниялул хIасиллу ва авкъуна коррупциялул талатаву дачин даврил ва профилактикалул иширттал хIакъираву ихтилатчитурал бивссса предложениярттацIун.

ХIадур бивссар ХI. АьДИЛОВЛУЛ

Дарбантлив — хIапизтурал конкурс

Дарбантлив апрельданул 4-5-ний Дагъусттаннал бакIчи Сергей Меликовлул цIания ва Дагъусттаннал Муфтиятрал кабакъаврийну хъунтIиссар Аьрасатнал лагрулийсса хIапизтурал конкурс. Ва конкурсрал бахшиширттал фонд кIива миллион

къуруширттал бур. Яла хъунмур приз – автомобиль Lada Granta. Конкурс мубараксса Рамазан зурун хасну дуллалиссар. ХIапизтал батIинтIиссар мультимедийный фонтандалул майданнив.

Патимат РАМАЗАНОВА

Дагъусттаннал парламентрал 31-мур сессиялий

Мартрал 28-ний Заур Аскандаровлул председательшиврий хъунни ДР-лул Халкъуннал Мажлисрал 31-мур (мартрал) сессия. Шикку ххал бигълай бия 27 масъала, Вайннувах – 2023 шинал ДР-лул МВД-лул полициялул давурттал отчет ва ДР-лул Счетная палаталул давурттал отчет.



Сессиялий цалчин гуртту хъуна Дагъусттаннал Верховный судрал председатель Федор Шуккин.

Масъалартту ххал бигъин хъьичИ коммунистурал фракциялул дурна зунттал районнай-сса демографиялул тагъарданийн асар биян баврил хАкъиравусса анализ. Единоростурал бувсуна оърчал цуллу-сагъшиврул тагъардания.

Яла цаъкъ дурна республикалул судирттал участокирттай мировой судьятал битансса кандидатурартту.

ДР-лул Виваллил иширттал министерствалул полициялул 2023 шинал дурсса давуртта бувсуна ва идаралул бакИчи Абдурашид МахАммадовлул. Ванал тИмунийну, 2023 шинал криминал тагъар, хъьичИмур шинах бурувгун, хъинчулиннай даххана хъуну дур: сияхИрайн ларсёсса закон лиян давуртту чан хъуну дур 2,4%. Чан хъуну дур захИматсса ва хъиннура захИматсса закон лиян давуртту 4,1%. Абдурашид МахАммадовлул жавабру дулуна депутатътурал буллусса суаллахъун.

Амну ларсун, парламентрал спикернал бусаврийн буну, полициялул органнал ихтиярду дуруччайсса цаймигуорганна-шал хАла-гуртту дуллалисса давурттайну, республикалий тагъар цалий дарцуну дур. Ванал Абдурашид МахАммадовлухъ ва полициялул зузалтрахъ барчаллагъ куна даву хъьичИунну дачин даврихлу.

2023 шинал дурсса давурттал хАкъираву махъ лавхъуна ДР-лул Счетный палаталул председатель Билал Жъяпаровлул. Ванал бусаврийну, ларгсса шинал ва идаралул дурну дур 99 контролданул ва 11 экспертно-аналитикийсса мероприятие. Ххал бивгъуну бур 662 идара, вайннул бюджетирттаву ва финансирттал давурттаву ашкара дурну дур 7 млрд ва 895,4 млн

къуруширттансса закон лиян давуртту. 2024 шинал дайдихъулий личИ-личИсса даражарттал бюджетирттаву зана дуван дурну дур 282,9 млн къуруширттал. Госимуществалул реестрданул сияхИрайн лахъан дурну дур хъьичИра сияхИрай къадирКИсса 340,5 млн къуруширттансса хъус-хъиншиву.

Вава масъалалул хАкъираву махъ лавхъуна Халкъуннал Мажлисрал бюджетрал, финансирттал ва налогирттал комитетрал председатель Марат Илиясовлул.

Отчетрах вичИ дирхъуну махъ депутатътурал къамул бунна хАукму, ваний цаппара маслихатру бур ХАукматрайну, Счетный палаталийнгу, кИанттул цилакаялувшиврул органнайну багайсса.

Муния махъ депутатътурал кИилчин дурккуну къамул дурна «Ятинтал хъусса оърчИ-бакИуннан социал кумаг баврил ялун ххи дурсса гарантиярттал хАкъираву» тИсса ДР-лул Закондалулу дахханашивертту даврил хАкъиравусса» закондалулу проект. Федерал законодательствалулу хъусса дахханашивертту хИсаврайн ларсун, цуну къамул дурсса закондалулу проектрай шуруши дурну дур ятинтуран къатри ласунсса цусса выплатартту.

Уттигу ца цушинна – сертификат аьркин дуван бю-хъайсар жула билаятрал циняв кИанттурдай. Сертификат ду-лайсар цалчин ярглий СВО-лий гуртту хъуминнан.

КИилчин дурккуну къамул дурна цаймигу законнал проекту.

Цаппара законнал проекту сессиялий къамул дурна цалчин дурккуну, федерал законнал цун даркуну диклаву мурадрай.

Сессиялул ахирданий цаппара депутатътурал дулуна наградартту.

**ХАДУР БУВССАР
ХИ. АБДИЛОВЛУЛ**

Март зурул 28-ний парламентарал спикер Заур Аскандаровлул каялувшиннаралусса Дагъусттаннал Халкъуннал Мажлисрал сессиялий региондалулу виваллил иширттал министр Абдурашид МахАммадовлул 2023-ку шинал ведомствалул дурсса даврил хАсиллу дунни. Ванал бувсунни хъьичИмур шинах бурувгун криминалданул ишру чан хъушиву. 4,1%-рал чан хъуну дур сияхИрайн ларсёсса кИусса ва ляличИну кИусса тахсиркаршивуртту. Амну 79,8% тахсиркаршивуртту ашкара дурну дур. Дагъусттаннай тахсиркаршивурттал чулухасса тагъар Ухсавнил Ккавказулла федерал округрайнир 1,6-лий, шалагу билаятрайнир шамлий ххуйну дур.

Дагъусттаннал виваллил иширттал министрнал даврил жям дунни

Дянивну 1,4 миллиондалийн дирсса лулттурасри ларсун дур.

Экономикалуцун дархИусса ашкара дурсса тахсиркаршивуртту 7%-рал ххишала хъуну дур. ЛяличИну хъуннасса лагрулийми – 18,5%-рал, ляличИну захИматсаннун ккалими – 14,8%-рал.

Бартдиргъусса уголов делар-дайн буну, бивсса зарал 3 миллиардрая ливчусса бур. Миннуя бачИннул лахъаву дурну дур. 2023 шинал Дагъусттаннай амну 465 лулттурасса ларсёсса ишру ашкара буну бур. Ларсёсса лулттурасри дянивну 1,4 миллиондалийн дирсса дур. ХъьичИсса шинах бурувгун, ххуйсса ккакки-яртту хъуну дур экономикалувусса сакиншиннарайсса тахсиркаршивурттан, мукуна кредитирттал ва финансирттал системалувусса, налогирттал сфералувусса тахсиркаршивурттан ххуллу къу-къавриву.

Украиннал аьралуннаву талатисса 14 дагъусттанчуннан розыск баян буну бур.

Терроризмалул хАкъираву виваллил иширттал министрнал бувсунни ларгсса шинал терроризмалул журулул 310, экстремизмалуцун дархИусса 26 тахсиркаршиву сияхИрайн ларс-шиву. Вай циняр тахсиркаршивуртту дазул къатIув терроризм-лул ва экстремизмалул давуртту дачин дурсса республикалиясса инсантал гурттусса дур.

– КИул уварду цанансса чумал Украиннал аьралуннал подразде-лениярттаву Аьрасатнал аьралун-найн къаршину талатисса 14 дагъ-усттанчув. Миннал хАкъираву уголов деларду сукку дурссар, миннах луглай буссар, – бувсуна Абдурашид МахАммадовлул.

ТОННАЛИЙН БИВССА НАРКОТИКРУ ЗЕВХХУССАР

Региондалулу виваллил иширт-тал органнал къулагъасрайн лавсёсса масъаларттавацца ца бур закондалуцун къабавкъуну



Абдурашид МахАммадов

наркотикру ишакаш буллалисса иширттайн къарши бацаву. Аб-дурашид МахАммадовлул бувсу-на ларгсса шинал республикалий наркотикирттацун дархИусса 1998 тахсиркаршиву сияхИрайн ларсшиву. Миннува 1977 (99%) виваллил иширттал органнал зу-залтрал ашкара дурсса душиву.

Ашкара дурну дур 25 тахсир-каршиву цаппара инсантурал машвара шавшун дурсса, 29 – са-киншиннарайсса тахсиркартурал группардал дурсса. Бат буну бур 13 наркопритон, зерххуну дур 955 кг. наркотикирттал. Ва журулул тахсиркаршивуртту чан хъурчагу, ларгсса шинал Дагъусттан бухлай бия наркотикирттацун дархИусса яла чИярусса тахсиркаршивуртту хъанатхисса Аьрасатнал 5 реги-ондалулу.

ДАГЪУСТТАННАЛ БЮДЖЕТ КИИВА МИЛЛИАРДАЛ МИСКИН ХЪУНУ БУР

Дагъусттаннал бюджетра-вун 2 миллиард ххи хъунссия цаппара ишбажаранчишиврул субъектру тИайлану, марцИну зий бивКиссания. 2023-ку шинал закондалуцун къабавкъуну биз-нес дачин дурсса ва ишбажаран-чишиву дуллалисса 40 азарва иш ашкара буну бур.

ЯРАГЪ БУЛЛАЛИССА 8 ЦЕХ БАТ БУННИ

Ларгсса шинал республикалий экстремизмалул ва терроризмалул иширтташал дахIаву душиврий шак тИий увгуну ур 17 инсан, бат буну бур къюлтIну ярагъ булла-лисса 8 цех.

ТЕРРОРИСТ ОРГАНИЗАЦИЯРТТАЛ КЮРТТИ АШКАРА БУННИ

Ларгсса шинал Дагъусттаннай ашкара буну бур террорист орга-низациярттал 5 кюру. Увгуну ур 17 инсан. Ярагъуннишал данди авцИусса шама бат увну ур. По-лициялул зузалтрал зевххуну бур 256 ярагъ, инсаннал цала каних дурсса 3 пIякъ учайсса зат.

ДАГЪУСТТАН ТАХСИРКАРШИВУРТТУ ЯЛА ЧАННУ ХЪУССА 3 СУБЪЕКТРАВУХ БУР

10 азара инсан хИсавравун лавсун, Дагъусттан тахсир-каршивуртту яла чанну хъусса Аьрасатнал 3 региондалулу бур. СияхИрайн ларсёсса тахсир-каршивуртту амну 2,4% чан хъуну дур. КИусса ва ляличИну кИусса тахсиркаршивуртту – 4,1%. Амну сияхИрайн ларсун дур 14 азарда тахсиркаршиву. Ми чан хъуну дур шагърулул 5 округ-рай ва 24 райондалийн. ЧИявусса хъуну бур жяматрал мюхчан-шиву ва низам къадурурччусса ишру, мукуна экономикалуцун бавИусса ишру. Республикалий чан хъуну бур инсан ивчИанну тИий ивКИусса, гуж бувсса, цурк ва хъямалашин дурсса, маши-нарту бавИусса, ярагъ, наркоти-кру закондалуцун къабавкъуну ишакаш бувсса ишру. ЧИяру хъуну дур хАрамзадашивертту, къавкъиншивертту, инсантал бавИусса, цунциияртту дурсса, арцу цИирккусса ишру. Цайми субъектирдай кунна, жула ре-спубликалийгу чИярусса хъанай дур информациялул ва телеком-муникациялул технологияртту ишла дурну дуллалисса тахсир-каршивуртту.

Тахсиркаршивурттал 80% ашкара буну бур. Ларгсса шинах бурувгун, вай, Ухсавнил Ккавк-казуллал федерал округрай дакъа-ссагу, Аьрасатнавугунир ххуйсса ккаккиртту хъанай дур. Ашкара буну бур гуж-къия дурсса, арцу цИирккусса, хъямалашин дур-са, мукуна ихтиярду дуруччай органнал зузалтрал оьмурдайн къаст лархИусса цинявпа ишру. Чан хъуну дур сакиншиннарайсса тахсиркартурал группардал дур-сса тахсиркаршивуртту. Ашкара дурну дур 10 513 тахсиркаршиву, миннува 571 – хъьичИрасса шин-нардий дурсса. Уголов жавабрайн увцуну ур 9 248 инсан.

Анриана АБДУЛЛАЕВА

Вихшалдарай бувКИми къамул бунни

Апрель зурул 1-ний агъали къамул бунни Дагъусттаннал Арегиондалийсса «Справедливая Россия – За Правду» партиялул отделениялул каялувчи, ДР-лул Халкъуннал Мажлисрал председателна хъиривчув Камил Давдиевлул.

Вице-спикернал цалчин къа-мул бунна Эльмира Кебедова. Ванил тавахъю бия хъьичИунсса хАсиллай Дагъусттаннал меду-ниверситет къуртал бувсса цила душинн Москваллийн ордина-туралулун буххансса ДР-лул Цуллу-сагъшиву дуруччаврил министерствалул чулухасса ца куска направление ласун

кабакъу бара тИисса. Камил Давдиевлул, Дагъусттаннал цуллу-сагъшиву дуруччаврил министрнайн оьвкуну, ва масъа-ла шаллу бара увкуна.

Шамильский райондалиясса Ибрагим ХИажиев увКун ия Тидиб шяраваллил жяматрал цИаниясса масъалалул ялув. Вай «Тидибский» ГУП-рая тIалав

дуллай бусса бур аьрши занадитаву. Камил МахАммадовичлул аьрши зана дитаврил хАкъираву цИухху-бусу бунан оьвкунна ДР-лул аьршарал ва имуществалул министр Заур Эминовлуин. Ва масъала дузрайн буккан баврил ялув ацIавугу цала аякъалийн ларсуна.

Депутатнал кумаг бунна цу-ллу-сагъшиврул, ялапаршинда-рал захИматсса тагъарданувун багъсса хъамитайпалунгу.

Имара САИДОВА

Интнил призыврацун бавхуну апрельданул 3-ний «Дагестанская правда» кказитрал редакциялий хунни Дагъусттаннал аьралий комиссар Дайтбаг Мусттапаевлул пресс-конференция. Байбихулий аьралий комиссарнал бувсуна хьхичИмур, ссуттилмур, призыврал хИасилля. 2023-ку шинал октябрьдания декабрьданийн бияннин Дагъусттанная аьралуннаву кьуллугь бан бувцуну бур 3,5 азарунния ливчусса жагьилтал. Ссуттил республикалун ккаккан дурсса задание бартдиргуну дур. Цинявпагу кьуллугь бан наними шаллу бувну бур лаххиялул, банкрот ва персональный электрон картардал ва цамургу аьркинунил. Жагьилтал аьралий частирдавун биян бан ацунния личчусса рейсру дурну дур Ярагъуннил гужирдал авиациялул самолетирттал.

Инттусса призыврай Дагъусттанная 4 азара инсан уцинтгий ур



Дайтбаг Мусттапаевлул кИиЦларгуна призыврал даву лавайсса даражалий дурсса районну ва шагьурду. Миннувах дия Цуссалакрал районгу.

Аьралий комиссарнал бувсуна инттусса призыв апрель зурул 1-нния тийннай дайдрхушиву.

Аьрасатнал президентнал хИумулийну, интту шалагу билаятрая аьралуннаву кьуллугь бан уцин тий ур 150 азара инсан, республикалия буцин ккаккан бувну бур 4 азаруннийн бивсса жагьилтал. Миннава ярагъуннил аьралуннаву гьан бан тий бур 3 азарунная ливчусса, вайми – нацгвардиялул ва ФСБ-лул Дазул управлениялул аьралуннаву.

Апрель зурул 1-ний республикалий зий байбиххуссар призыврал ва медициналул комиссиартту. Мартрал 27-ний призыврал комиссиялул председатель Сергей Меликовлул каялувшинаралу призыврал комиссиарттал председателтурашал, аьралий комиссариарттал вакилтурашал ва хИакитурасал хьуссар инструкторско-методический батIавуртту.

Интту аьралуннаву кьуллугь буллан буцлантИссар апрель зурул 1-нния июль зурул 15-нийн бияннин. Жагьилтал кьуллугь буллантИссар ца шинайсса. Аьралуннаву кьуллугь бан бувцуми хасьсса операциялуву гьуртту кьахунтИссар, мукунма ми кьабунтИссар цуну Аьрасатнаву дурхсса регионай (Запорожскалал ва Херсонскалал областирдай, Донецккалал ва Луганскалал Республикадай) кьуллугь буллан. Ларгсса шинал бувцуну бивкИми цун кьуртал шайху итабакьинтИссар.

2024-ку шинал аьралуннаву кьуллугь бавриву цаппарасса даханашивертту хуну дур. Угтинин кьуллугь буллан 18 шинава 27 шинаву бияннинсса оьрмулуву буцлай бивкИхурча, утти 30 шинаву бияннинсса оьрмулуву буцлан тий бур. ХьхичИва цуллу-

сагъшиврул тагьарданийн бувну запасрай бивтсса инсантураша утти, цанма ччай бухьурча, аьрза чивчуну, аьралуннаву кьуллугь бан гьан бюхлай бур. Ялагу, призывниктурахь ихтияр дур срочный кьуллугьран кIанай контрактрай кьуллугь бан гьан. Ларгсса шинал мукунна даханашивертту хуну дур административ тIулдакьашивурттал хIакъираву. ЧIаланну гьаз дурну дур административ тIулдакьашивурттахсса аькIри. Повесткалий ккаккан бувсса кIанттурдайн ккаккан дурсса чIумал кьаучIарча, 10 азарунная 30 азаруннийн дияннинсса аьчIа дихьлай бур. Кулпатраву хьусса даханашиверттая, зузисса кIану баххана баврия ягу цамур кIанайн изаврия чIумуй баян кьабарча, 1000 азарунная 5 азаруннийн дияннинсса аьчIа дихьлай бур. ДачИи шинаяр ххишаласса чIумуй Аьрасатнал билаятрая най ягу Аьрасатнаву най ушиврия баян кьабарча, дишин тий бур 5 азарунная 15 азаруннийн дияннинсса аьчIа. Медициналул зузалтрачIан цуллу-сагъшиврул тагьар ххал дан кьаучIарча – 15 азарунная 50 азаруннийн дияннинсса.

Аьралий комиссарнал мукунма бувсуна повесткартту чагьаруннил журалий дуллантИшиву. Ванал маслихат бувна, Аьралуннаву кьуллугь баврицун бавхуну, тIайла бакьасса хаварду пив буллай тий, призыврал хIакъираву тIайламур кIул бан Обороналул министрствалул официал сайтрайн, «призывникам» тIисса разделданийн бурган.

2024-ку шинал апрель зурул 16-нния байбиххуну генерал штабраву зунтИссар призыврал хIакъираву горячая линия. Дагъусттанная зунтИссар горячая линия апрель зурул 12-нния байбиххуну.

КIул бан ччимунил хIакъираву оьвчин бюхьайссар вай телефоннай: 67 88 86, 68 16 07.

Анриана Аьбдуллаева

Цуссалакрал райондалия

Цуссаминалийн бизан баврил масъалартту ххал бивгъунни

Вай гьантрай «Новострой» дирекциялул кьатраву хьунни ВЦуминалийн бизазисса Цуссалакрал кулпатирттал сияхIру ххал дигьлагьисса комиссиялул заседание.



Ва хьунни Цуссалакралагьали Цуссаминалийн бизан баврил ва Ахуллал район цу дуккан даврил масъаларттаху зузисса Дагъусттаннал ХIукуматрал управлениялул хьунама МахIаммад-ХIажи Айдиевлул каялувшинаралу. Шикку гьуртту хьунни Цуссалакрал райондалул бакIчи МаматИ ХIамзатов, цаппара шяраваллал бакIчитал, жяматрал вакилтал. Заседаниялул лагрулий ххал диргъунни Цуссалакрал райондалул администрациялул ххи дурсса, хьхичIра ци-дунугу диялну дакьашиврийн бувну, занадурну дирIсса деларду. Миннувах дур Цуссалакрал, Цуссакуллал, Чапаево ва ТIохчардал шяраваллава инсантурал деларду.

Цуссалакрал райондалул кIулшивуртту дулаврил идарартту хIала бувххунни «Крокус Сити Холл» залданувусса терактраву ливтIуминнал аьпалунсса «Журавли» акциялулух.

Акциялул лишанну хьунни Муслим Магомаевлул балайлувава кьурукьру. Школардал дуклаки оьрчIал ва садикирттайн заназисса мюрши оьрчIал кIяла кьурукьирттал суратру, дирхьуну, лачIун дунни чIавахулттай. Гьарица идаралий оьрчIал бувкунни кьурукьирттахасса Расул ХIамзатовлул шеьри.

Укун оьрчIал дакIнийн бивчунни терактраву оьрмурдацIа хьуми ва майшан кунни шалагу билаятрал халкьуннал ца-чIушиву.

«Кьурукьру» акциялулух гьуртту хьунни



ИхIсандалул фонд тIивтIунни

Цуссалакрал райондалий сакин бунни «Возрождение Родины» тIисса ихIсандалул фонд.

ХIакьину жула паччахIлугьрал мурадру бурчIачиминнан жула кумаг цуксса аьркинну буссаривувчIлай, хасьсса аьралий операциялул гьурттучитуран ва миннал кулпатиртган кумаг баву, Аьпалул багьру, паркру бан, жяматийсса кIанттурду бакьин бан ва цаймигу райондалийсса масъалартту шаллу бан кабакьу баву мурадрай, жяматрал сипталий, райондалул администрациялулу хьинчулий ккаккун, сакин бунни ва фонд.

Фондрал датIлай бур арцу хасьсса аьралий операциялул гьурттучитуран, кьуллугь бул-

лалисса аьралитуран-контрактниктуран аьркинмур ласун, фронтран гуманитар кумаг бан, талатиминнал кулпатирттал масъалартту шаллу бан.

Ванил учредитель ур Мирзоев Зайнулла Нуруллаевич.

Вай оьвчаву дуллаи бур райондалул агьалинайн, идарарттайн, ишбажаранчитурайн зушава шайсса кумаг вавара тий.

Фонд тIивтIуну хьунма хIал хьуннин хасьсса аьралий операциялийминнан кумагран 50 азарда кьуруш дирчунни Цуссакуллал (Чараваллал) шя-

равасса ишбажаранчи Мажидов Рустамлул.

Вай гьантрай фондрин арцу дирчунни ишбажаранчи ШIьван Оьмаровлул (ш.Кул, 100 азарда кьуруш), Аьхьардал шяраваллил бакIчи ГьазимахIаммад ХIасанхIусайновлул (400 азарда кьуруш), Цуссалакрал райондалийсса Пенсиялул фондрал отделециялул каялувчи ТIалIат Исмаиловлул (20 азарда кьуруш). Аьмну фондраву ххи хьунни 520 азарда кьуруш. КИиЦ лаган, фондрин арцу дичIачиссар инсантурал цивпа рязину. Фонд зузиссар закондалул ххуллий.

А. Аьбдуллаева

Окопирттаву ишла бансса чирахьру

Цуссалакрал райондалул дуклаки оьрчIал ва педагогтурал «Окопная свеча» тIисса акциялул лагрулий бувну бур хасьсса аьралий операциялий гьуртту хьанахьисса аьралитурал блиндажирттаву ишла буллансса 650 майлул чирахь.

Акциялул гьурттучитуран бувчIлай бур хIакьинусса кьини окопирттаву бишинсса чирахьру аьралитуран аьркин багьлай бушиву. Вай чирахьру 5-7-хьул сьятирдай лавхьун бикIайсса



бур. Майлул чирахьирттал кумаграйн аьралитурасца бюхьлай бур кару гьили дан, янна кьакьан дан, дукра ва шин гьили дуван.


Дуклаки оьрчIал ва педагогтурал дартIун дур чирахьру бансса банкарду, хIадур бувну бур вайннувул бутIинсса парафин.

Цуссалакрал райондалул дуклаки оьрчIру ттинингу гьуртту хьуну бур ва акциялий.

Имара САИДОВА

Лакрал райондалия

Титлавай дур цусса детсадрал нузру



Лакрал райондалул бакIчи Юсуп МахIаммадов «Даг-связьинвест» компаниялул вакил XIажикьурбан Алхулаевлушал ялтту увккунни цуну дуллалисса детсадрал кьатрал. 120 оьрчIансса ттизаманнул тIалавшиннардацун даркьусса ххаллилсса кьатри Гьумук дацIан дурунни кутIасса чIумул мутгалий «Демография» тIисса Аьрасатнал миллатрал проектрал лагрулий.

Шикку бур гьарта-гьарзасса, чаннасса музыкальный ва спортивный залу, пищеблок, санузел.

Халкьуннал кашилуцIух 1950-ку шиннардира дурсса, духьусса, шартIру дакъасса кьатрава мюршутл чIал кьавхьуну бизан тIий бур ттизаманнул шартIирдал лашушалулсса аьнтIикIасса кьатравун.

– Таансса асардай ливчIунна цIусса детсадрал кьатри ххал дурну махь. Шикку хIасул дурну дур оьрчIал творчествалул ва спортрал бюхьурду итхьяххан бансса шартIру. Гьарца зузалангу дур кьулайсса шартIру. Детсадрал хIаятраву бур беседкарду ва бялахьлансса кIанттурду. Июнь зуруй жура шадлугьрай тIитIинтIиссар ва детсадрал нузру, – увкуна Юсуп МахIаммадовлул.

Ва парк бувссар, «Единая Россия» партиялул шуруши дурсса, агьали багIайсса кIанттурдай кьулайсса шартIру дузал даврил программалул лагрулий.

Ялтту чулийнмай БурхIай-Кьалалийн, дултту чулийнмай ВацIилу-Зунттуин бурувсса кIанай бивхьусса парк, Гьумучиял агьулданунгу, лагмашархьябукIминнангу ца яла ххиратур кIануну бур.

Ххирар агьалинан караматсса чIалачIин дусса паркрывун сайрданий буклан, чIарах нанисса неххал чIунигу вичIилий, жапрай шябикIлан. Райондалул администрациялул, «КIанттул сиптарду» программалий гьуртту хьуну, ляркьуну дур парк гьарза-гьарта бансса каширду.

Даркьуну кьуртал дурну дур ххялчIив, ххи бувну бур скамейкартту. Вай гьантрай райондалул бакIчи Юсуп МахIаммадов ялтту увккунна паркрал, администрациялул зузалтрацал цувагу гьуртту дирхьунна гьайжакру(качели). ЧIал кьавхьуну шикку бугьан тIий бур муьхьру.

Жагьилтурал паркрыву дирхьунни гьайжакру



Магьирлугьрал зузалт барча бунни



Мартрал 28-ний Лакрал райондалул Магьирлугьрал кьатралулу хьунни магьирлугьрал зузалтрал байрандалуцIун дархIусса шадлугь. Райондалул магьирлугь хьхьичIуннай даврил ххуллий буллалисса захIматрахлу барчаллагьгу куну, зузалт барча бунни райондалул бакIчинал хьиривчув Явсупи XIамзаевлул. КIицI лавгунни райондалий царгу мероприятие кьашайшиву вайннал гьурттушинна дакъасса.

– Зул даву дур жаваблувшинна хьуннасса – ппухьлунна нанисса аьдатру ва магьирлугь, хьирив нанисса никиран ирсирай ядурну, хьхьичIуннай дуллалисса.

Зун хьуннасса барчаллагь райондалул агьали магьирлугьрачIан кIункIу буллай бушиврухлу, райондалий хьанахьисса мероприятияртту чIюлу дуллай бушиврухлу, зула гьунардайну агьалинал дакIру аьчух дуллай, гьавас бутлай бушиврухлу, зула пишалийн дакI тIайлану зий бушиврухлу, – увкуна ванал.

Шинал лажиндарай жяматрал оьрмулуву чялишсса гьурттушиннагу дуллай, хьхьичIунну захIмат буллай бивкIсса зузалтран дуллунна XIурматрал грамотартту.

Магьирлугьрал зузалтралгу цивпа барча бан бувкIминнан барчаллагьран ккаккан дуруна ххаллилсса концерт.

ХIадур бувссар
Зулайхат ТАХАКЪАЕВАЛ

Ккуллал райондалия

Аьзизсса школалун бахшишран

– спортрал кьай-кьуй

Ккуллал райондалул бакIчи Шамил Рамазанов увкIунни цала кьуртал бувсса Ккуллал дянивмур даражалул школалийн. ЧIал кьавхьуну ванал чулуша школалийн дучIан тIий дур спортрал инвентарь.



– Ттула гьалмахчув, УнцIу-КIуллал райондалул бакIчи Ися НурмахIаммадовичлуя «Дува бахшиш вила аьзизсса школалун» тIисса акциялул эстафета кьамул дуллай, ивра ттула оьрчIшиву ларгсса, кIулшиву ларьсса школалийн. Шикку дуклай буссар ттул оьрчIру.

Ва сипта шуруши дурссар Республикалул бакIчи Сергей Меликовлул амрулийн бувну. Ва ихIсандалул марафон сававну бюхьлай бур аьзизсса школалун цала кашилун лархьхьусса бахшиш дуван. ШяивкIра цаппара-

сса дарсирдай. Жап учав педагог-турашал ва дуклаки оьрчIашал.

Эстафета дуллай ура Лакрал райондалул бакIчи Юсуп МахIаммадовлухьхьун, Ккуллал райондалул мажлисрал спикер Гьази МахIаммадовлухьхьун, КIулшиву дулаврил масьаларт-талсса буллалисса ттула хьиривчув Анатолий Давдиевлухьхьун ва КIулшиву дулаврил управлениялул каялувчи Жамалуттин Оьмариевлухьхьун, – кунни Шамил Рамазановлул.

Зулайхат ТАХАКЪАЕВА

ЗахIматсса тагьарданува буккансса ттизаманнул чаранну

«Дагестан» РИА-лий хьунни Дагьусттаннал МЧС-рал вваллил кьуллугьрал полковник Сулайман Рамазановлул пресс-конференция. Ванал бувсунни ляличIисса тагьарданий (ЧС) цукун зун бикIайссарив ва мукунсса ишру хьун кьабитан ттизаманнай ци чаранну ляхьлай буссарив.



Сулайман Рамазанов

– Инт дучIайхту, МЧС-рал циняв гужру личIлулну бавцIуну буссар ЧС-ду хьун кьаритан. Цу лачIунсса ягу шин ялтту гьансса нигьачIаву дусса чIумал хIадурну буссар захIматсса тагьарданува буккан. XIакьинусса кьини МЧС-рал структурардаву ишлану буссар информациялул системардал ва технологиярттал личIи-личIисса жураду.

– Шанасса заманнай аьршарал ялувсса тагьар итталу дугьан бюхьайссар сурат ласайсса аппаратуралушлалсса авиациялул ва космосрал средстварттайну. Вай средстварттая ва технологиярттая хьуннасса мюнпат бушиву цимилагу чIалан бивкIунни. Вайннул кумаграцIух ци тагьар дикIанссарив кIул бувну, чаран ляхьин бюхьлай бур, – бувсуна Сулайман Рамазановлул.

Ванал кIицI ларгуна Дагьусттаннай шин ялтту гьан, лекь-рурду хьун нигьачIаву хьуннасса дусса районну.

Ведомствалул давриву ляличIинура дучIи ляхьлай дур цIу лещан дуллалисса чIумал, кьатри леркьсса чIумал ххал-бигьавуртту дан, тагьар кIул дан ишла дайсса беспилотный авиациялул системарду.

Полковникнал мукунма бувсуна захIматсса тагьарданухьхьун биривсса инсантураща бюхьайшиву арцуйнуса кумаг бара тIисса аьрза чичин Госу-лугардал приложениялулу.

Анриана АБДУЛЛАЕВА

Юбилейран хасну

«Зунттайн я щусса чумал, ттувун ххишаласса рухI дучлай»

Жабирдуя бусансса, учинсагу чЯвусса льякинссар. Увну ур Жабир Хъусрашиял шяраву, бусравсса Акбардул ва Залмул кулпатраву. Акбар ва ванал кИягу уссу, Аскандар ва ХИажиахИмади, цалчинсса кьюкьравух Хъун дяввилийн лавгун бур. Аскандар цанихсса пагыламан ивкIун ур, цувагу дяввилия зана къавхъуну ур. Луглайнма бивкIун бур Акбархъал кулпат мунал бакIрачIан бивкIмуних. Ленинградрай Академиялугу дуклакисса чIумал, Жабирдул хIарачатрайну ляркуну дур Ленинградулал областърай буттауссу увчусса уссушиврийсса гъав. Жабирдул буттал ппу Абакар канил усттарсса адамина ивкIун ур. Ванал бивкIун бур КIапIкIайлив цува заллусса, дагъантту дувайсса дуссукуьатта. Абакар ахиратрал хъуну ур тийхва. Тай диркIун дур революциялуд бунтру нанисса захIматсса чIунну. «Аьрши кьисматнийри гъав нясив шайсса», – тIий, чIумул захIматшивугу хIисавравун ларсун, арсурваврайн тийхва уччара тIисса аманат буну бивкIун бур. Буттал шяраву тIурча, Къалалухмур хIатталлил зуманив, буттал аьпалун ххуллусса уххансса чIивисса кьатта буну бур ванал арсурвавра. Шанагу буссар кIа кьатта цулаган буну.

Жабирдул ппу Акбар дяввилия канил чулахъ хъуну зана хъуну ур. Амма ванал мушакъатсса канила букъаккайсса кушу кьабивкIун бур: байсса бивкIун бур жалинтрал буттукьри, дагъантту, мурулал някI чартту цIавцIуну, я бацIансса кIалабарзру. Музыкалул чулухунайгу итхьявхсса ивкIун ур. Ванал ужагърай мудангу бивкIун бур аккордеон ва зюннав. Чулахъ хъусса каний кIисри биялну бакъа, зюннав бищун кьахъанай ивкIун ур. Аккордеондалий оьрчIангу макъанну дущин лахъхьин дувайсса диркIун дур. Ниттил Залмул буруххайсса бивкIун бур ляличIинува исвагъисса жалинтрал гъухъри.

Цакъсса тарбиялул гъану бивзун, ас-намус буну, ларайсса кIулшивурттугу ласун буну, хъуну буну бур вайннал цала арсу ва душу.

Жабир ххуйну дуклай ивкIун ур школалий, итхьявхсса ивкIун ур физикалул ва математикалул дарсирдал чулуха. ХIасил, ччимур вузравун уххансса кIулшивугу, бюхъугу бусса оьрчI ивкIун ур.

ЛетчикхъунссахиялоьрчIний-ва буссияв тIий, цIухлай бура Жабирдухъ:

– ОьрчIний летчик хъунсса пикри дакIний-мазрайвагу бакъясса. Хъуними классирттаву дуклакисса чIумал гъира багъуна летчик хъунсса. Та чIумалсса выпускниктурал дянив яла сий думур бикIайва летчикнал пиша. Жул шяравасса цалчинсса летчик уссия МахIаммад ЦимпIаев тIисса. ТачIав хъамакъадитай

Уттигъанну оьрмулуд юбилей кIицI ларгунни ДР-лул транспортрал лайкь хъусса зузала, техникалул элмурдал кандидат, шала оьрму авиациялуцIун бавхIусса, миллатрал хIакъсса патриот, Акбардул арс Абакаров Жабирдул. Ва ур лакрал миллатрал дянив махъ нанисса, сий дусса, оьрмулугу, захIматралгу ххуллу лайкьну бутлатисса инсан. ЧIумул мутталий ванал дурсса чIярусса лайкьшивурттугу лахъа-хъунсса цIардайн, кьиматрайн тамахI бакъа, миллатрал арсшиврул ва инсаншиврул цIанийсса дур.



Акбардул арс Абакаров Жабир увну ур Хъусрашиял шяраву 1954 шинал февраль зурул 2-ний.

1971 шинал увххун ур Рязаннал областърайсса Сасовский летный училищалувун.

1984 шинал бивккуну бур Дагъусттаннал политехнический институтрал инженер-механик шайсса факультет.

1988 шинал кьуртал буну бур Ленинградулал граждан авиациялул академия.

Ва ур 1-мур классрал пилот, техникалул элмурдал кандидат, ДР-лул транспортрал лайкь хъусса зузала. Аэрофлотрал отличник.

10 000-нния лярчусса дур ванал лехлай гъан дурсса ссятру.

«Ттул буттан цалчин самолетрай леххан нясив хъуссия цува ивкIуну буттал шяравун лавсун нанисса чIумал»

МахIаммад Ваччав самолетрай леххун учIайсса чIунну. Ялугълан бикIайссияв самолетрай жула шяраваллил ялтту МахIаммад леххун ачиннин. Мунал авиациялия буслай, жувун летчиктал хъунсса шавкъ дуртуна. Выпускной вечер дурну, гъунттиймур кьини Хъусрашиял школа кьуртал бувсса 28 оьрчI лавгсару Бакуйн Летный училищалувун дуклан буххансса комиссиялийн. Таний хъинну ялув бавцIуну бай-

ссия медкомиссия. Комиссия буллаий инжит шаврил ттул махъунай занахъунсса пикригума багъуна. Му ппурттуву, на кьянкъа уллай, вияту чара бакъа летчик хъун аьркинссар тIий, ттул чIарав авцIуна МахIаммад. Та выпускравасса кIия – нагу, ца цамагу, лавгсару комиссиялувух. Тамансса бия та чIумал Дагъусттанная бивкIсса летчиктал хъун ччисса жагъилтал. Цуллу-сагъшивруцIун бавхIусса масъаларттайн буну, къалавуна чIявуми, – дакIнийн бутлай ур Жабир.

Цуксса яхI-кьирият дусса бухъунссия танийсса оьрчIру, архIал нину-ппу, цама цучIав акъа, цанма цивппалу кIул бакъясса шагърурдайну лавгун, хъхьичIунсса вузирдавун дуклангу бивххун, бучIайсса бивкIун бур. Дуклан нанисса чIумал 18 кьурушгу дуллуну гъан увну ивкIун ур

бивкIун бур арсна летчик хъуну, нигъачIаву дусса пиша бур тIий.

– Дуклан увххун махъ тIурча, ппу пахрулий икIайва. Мунан цанма самолетраву пассажиртал шябитайшиву кIулнувагу кьабикIайва. Буттан цалчин самолетрай леххангу нясив хъуссия цува ивкIуну шяравун лавсун нанисса чIумал. Ппу аьпалул хъуна Каспийск шагърулий. Та дия зунттал шархъавунсса ххуллуду лавкъусса, самолетру леххан кьабучIисса, микIлачIру дусса чIун. Ттул талихIран, кIюрххицIунмай баргъ бивтсса, чаннасса кьини хъуна. Нагу лавгссияв ттула ппу махъва-махъсса ххуллийх самолетрай увцуну...

Жабирдул хъхьичIунсса ХIасиллай кьуртал буну бур Рязаннал областърайсса Сасовский граждан авиациялул летный училище.

Му кьуртал буну махъ зун ай-

Жабир. Миннуягу 5 кьуруш поездрах, лярчIми арцу диян дан багълай бивкIун бур дуклангу увххун, махъунай занахъуннин сса ялапаршиннарах.

ХIакъину укунсса пишакартурайн хъар хъуну дур гъарица сфералувусса хъхьичIуннайшивуртту. Цала-бюхъу-бажарданийнугу, кIулшивурттайнугу вайннаша бюхъуну бур цивппа каялувшиву дуллалисса идарарттал даража гъаз бан.


Жабирдул буттан кьаччай



Муса Маннаровлуцал ва Жамалуттин Оьмаровлуцал



Артур Исрапиловлуцал ва Ссапарбаг Аьдуллаевлуцал



Аьлихан Аьлихановлуцал

Юбилейран хасну

«Зунттайн я щусса члумал, ттувун ххишаласса рухI дучIай»



Кулпат Людмилащал



Кулпатрашал ва чивима арс Арсланнущал

шиврул. Мура члумал, аэропортрай диялсса ччуччия дакъа, республикалул бакIчинал, ттуйн оьвкуну, амру бувна му масъала дузал буван. Дяъви бухьурчан-

гу, арцу къадуллуна, ччуччия дулун шинчIав ччай бакъая. Му ппурттуву дакIинийн агьуна Волгоградрай Ччуччиялул заводрай жаваблусса къуллугърай зузисса жула дагъусттанлув. Та цувагу ия оьрмулукун тийхва ялапар хъанахъисса, цалагу Дагъусттаннайн къаувкIсса инсан. МахIаттал хъура, ттуна тачIав къаккавксса инсан, арцуя ихтилатвагу бакъанма, 2000 тонна ччуччиялул итадакъин рязи шаврий. Амма, ми ччуччия, Къизлардайн дирсса члумал, гичча итакъадакълай, цикссагу ккавкссар. Гайннан ччай бия аэропортрал даву дацIан дуван. Ччуччиялул хъирив уклакисса ппурттуву ттул оьрмулийн къаст лархIусса ишругу хъуссар. Цуксса оьрму ххиранугу, нигъачIавурттая махъунай къавхъисса...

ДакIиний личIансса хъунабакъаву хъуну дур Жабирдул 2000-ку шинал: Грозналийсса аьралуннахъ Щусса шин барча дан увкIун ивкIун ур Владимир Путин. Жабирдун багълай бивкIун бур хаварбакъулий аэропортрайн увкIсса хъунасса хъамаличувнан анаварсса мутталий хъамалушинна дузал дан. Щусса шинал цала кулпатрал ичIува тIивтIуну бивкIсса ссупралиятусса дуки-хIачIия дучIан дурну аэропортрайн, Владимир Путиннушлул ва республикалул бакIчи МахIаммадаьли МахIаммадовлушлул шябивкIун, байран кицI ларгун дур.

НигъачIисса иширттаву чувшиву ккаккан даврихлу Жабир Абакаровлул дулуну дур «Граждан авиациялул отличник» тIисса хIурматрал лишан ва ДР-лул ХIурматрал грамота. 2000-ку шинал террорданул дазу дурсса чувшиврухлу дулуну дур Дусшиврул орден. 2017-ку шинал лайкъ хъуну ур ДР-лул социал-экономика хъьичIуннай давриву бивхъусса захIматрахлусса медальданун.

МахIачкъалалал аэропортрай дахханашивуртту хъусса ппурттуву, цала кIулушивурттугу,

бюхъу-опытту ишла бувну, Жабирдуша бювхъуну бур «Дагестан» тIисса, Ухссавнил Ккавкказнавух лехлан ихтияр дусса, авиакомпания хIасулгу дурну, нирхиравун дутан. ХIакъину ва авиакомпаниялул вертолетру дуссар МахIачкъалалал, Минводьлул, Ашттарханнал аэропортрай. Авиакомпаниялий зузисса летчиктал, инженертал хIадурну буссар сигнал дуркIсса ппурттуву Ухссавнил Ккавкказнаву апатI хъусса, иш багъсса кIанттурдайн ххассалбултрашал левххун, миннан цалчинсса кумаг буван. Мукума авиакомпаниялул дайссар медициналул ва санитар рейсругу.

Вертолетирттал авиакомпания тIитIаврийну хIасул хъуну бур 70-ннийн бивсса инсантурансса зузи кIантту. ХIакъинусса къини авиакомпания хъьичIунну ва тIалавну дур, Дагъусттаннай дакъассагу, Ухссавнил Ккавкказлулал федерал округрайгу.

КицI къабувну битан къахъунссар жула миллатрайн багъайсса гьарцагу иширал чIарав сахаватлувну ацIайсса инсан ушиву Жабир. Буттал шяравугу ванал хIарачатрайну чIявусса масъалартту чулийн буккан буссар. ХIакъинусса къинигу Хъусрашиял жямат ванайн барчаллагърай бур, техника къалахъайсса зунттуйн вертолетрай турбарду бивчуну, шин душин кумаг баврихлу, школулун компьютерду, партарду ласаврихлу ва цаймигу бусравсса давурттахлу.

Ванал эмаратну дакъин дурну дуссар цала оьрчIшиву ларгсса, цува хъуна хъусса буттал къатригу.

– Даврия тархъансса члумал, вертолетрай ттула дулталгу бувцуну, ттун ххирав жула зунттаун, буттал шяравун ияван. Хъусрахъ на икъавсса зунтту бакъахъунссар. Зунттурдайн я шайху, ттул чурххавун рухI дучIай, дакIнийсса цинявппа буруккинтту буккай. Игъалагара так зунттаву, – тIий ур ва.

Жабир Акбарович буниялагу дултал ххиравсса, чIявусса дултал бусса, вайннал хIурмат бусса инсан ур.

Адаминал тIайлабацIурттал ххулий хъунмасса бияла буссар ганал кулпатрахъ. Жабирдул оьрмулул дус Людмила, буниялагу, ванал чул бишай кIану, урчIа ка бур. Бухху-букку тачIав чан къашайсса вайннал кулпатраву ванил аякъагу, дакIнил гъилишивугу дий цинявннайн. Людмила, Дагъусттаннал паччахIлугърай университетту къуртал бувну, филологиялул элмурдал кандидатнал диссертациягу дурурччуну, зий буссия Каспийск шагърулийсса 22-мур садикрал хъунмурну. Муния махъ къурахъул шинну хъуссар ванил Республикалул музыкалул ва хореографиялул интернат-гимназиялул директорну. Жабирдул ва Людмилал дянив ивзун ур ххалилсса шама арс. Шамагу лавгун ур буттал шаттирдайх.

Оьрмулул юбилейгу барча дуллай, чIа тIий буру Жабир Акбаровичлул ва шалагу ванал кулпатран цIуллу-цIакъшиву, чIярусса ххаришивуртту ва хъиншивуртту.

Ихтилатрал дайлитIулий ххи бан ччива ца укунсса затту: цала жяматран ва Каспийск шагърулий ялапар хъанахъисса лакран Жабирдул чичайссар биялсса «Илчи» кказитру.

Имара САИДОВА



Дахъа летчик хъуну увкIсса члумал дуснащал Рамазаннущал



Курсантътал: Жабир, Назим, Щайх

ивхъуну ур МахIачкъалалал авиоотрядраву. Шичча байбивхъуну бур ванал захIматрал ххуллугу. Зий ивкIун ур АН-2 самолетрал пилотну, чIал къавхъуну хъуну ур АН-2 самолетрал командир, АН-24 самолетрал 2-ма пилот, АН-2, АН-24, АН-28 самолетирттал эскадрильялул командир, леххаврил къюкълул командирнал хъиривчув. Сайки 20 шин дурну дур Жабирдул МахIачкъалалал пачIундур авиациялул отрядрал командирнал цалчинма хъиривчувну зий. 2011 шинал ивгун ур МахIачкъалалал авиалиниярттал хъунама директорну.

1999 шинал, Дагъусттаннайн ярагъуннищалсса къачагътал ххяхъсса члумал, диялсса гьурттушинна дурссар граждан авиациялул.

– ДакIиний бур, зунттаву усса члумал, ттуйнма республикалул хъунаманал оьвкуну, учIан увсса куц. Мугълат бакъа лавгссияв аэропортрайн, – дакIинийн бутлай ур Жабир. – Жуй, яни аэропортрай, бивхъуна дяъвилул ишру нанисса Бушихъавсса, Щумадиял ва ЦунтIиннал районнайсса аьралитал ярагъуннил, дукиялул шаллу баврил масъала. ЧIявусса аьрал, хъунисса, кIусса самолетру къамул дуллансса ихтияр дакъассия таний аэропортрахъ. Ца хъхъу-къини 70-нния лирчусса самолетру къамул дуллай, хасъсса режимрай зий бивкIссару. Яла хъинну къурчIи бизансса шайва, кIюрххил жува кIиккун биян бивсса инсантурайн шавурду дирну ягу оьрмурдацIа хъуну, мура вертолетрай махъунмай бувцуну бивкIсса ишру. Миннащал цимилагу ттунма леххан багъайва, инсантал мобилизовать буллан-



ИТНИ, 8 АПРЕЛЬ
05.00 «Доброе утро». (12+).
09.00 Новости.
09.20 «АнтиФейк». (16+).

23.00 «Большая игра». (16+).
00.00 «Подкаст.Лаб». (16+).
03.00 Новости.
03.05 «Подкаст.Лаб». (16+).

00.00 «Подкаст.Лаб». (16+).
03.00 Новости.
03.05 «Подкаст.Лаб». (16+).

23.00 «Большая игра». (16+).
00.00 Шоу Вована и Лексуса. (16+).

23.00 «Большая игра». (16+).
00.00 «Подкаст.Лаб». (16+).

00.50 «Подкаст.Лаб». (16+).
XXУЛУН, 13 АПРЕЛЬ
05.15 «Подкаст.Лаб». (16+).

23.00 Х/ф «Не хороните меня без Ивана». (16+).

РОССИЯ 1
ИТНИ, 8 АПРЕЛЬ
05.00 «Утро России».
07.35-07.41 Вести-Дагестан

03.50 Детективный телесериал «Морозова». [16+]

03.50 Детективный телесериал «Морозова». [16+]

«Морозова». [16+]

«Морозова». [16+]

нова, Андрей Мерзликин, Виктория Исакова, Сергей Гармаш и Михаил Ефремов в острозаочном фильме «Охота на пираний». [16+]

Блажко и Антон Батырев в фильме «Таблетка от слёз». [16+]

ДАГЕСТАН
ИТНИ, 8 АПРЕЛЬ
07.00 Время новостей Дагестана. Итоги

04.50 Д/ф «Раскочеренная история» «Легенды гражданской войны». (16+)

04.15 Передача на лакском языке «Абриши ва аьлу». (12+)

языке «Адамти ва замана» (12+)

(12+)

20.55 «Мир Вашему дому» (12+)

20.25 «Дагестан туристический» (16+)

НТВ
ИТНИ, 8 АПРЕЛЬ
04.55 Т/с «Легавый». (16+).

08.00 «Сегодня».
08.25 Т/с «Пес». (16+).

08.00 «Сегодня».
08.25 Т/с «Пес». (16+).

10.00 «Сегодня».
10.35 Т/с «Пес». (16+).

08.25 Т/с «Пес». (16+).

11.00 «Живая еда с С. Малоземовым». (12+).

06.30 «Центральное телевидение». (16+).

«Илчилу» календарь

Ва нюжмардий увссар:

Апрель зурул 1-нний 1891 шинал увссар шаэр, чичу, публицист **Ибрагим-Халил Кьурбанаьлиев**.

Апрель зурул 1-нний 1946 бувссар жяматийсса ишккакку, АьФ-лул культуралул лайкь хьусса зузала **Качар Хусайнаева**.

Апрель зурул 2-нний 1955 шинал увссар ДР-лул Халкьуннал Мажлисрал депутат **Аьвдуллагь Расулов**.

Апрель зурул 4-нний 1927 шинал увссар Аьрасатнал медициналул академиялул член-корреспондент, профессор **Султанмурад Омаров**.

Апрель зурул 7-нний 1946 шинал увссар скрипкабищу, ДР-лул халкьуннал артист **Мурад Аьвев**.

Барча бавуртту



Апрель зурул 9-нний 70 Ашинал юбилейри Кундив ФАП-рай зузисса Апаннинал душ Хажиева Хадиджатлул.

Ванил медициналул даврий зийгу 50 шинни. 1969 шинал школагу кьуртал буну, ва Меди-

циналул училищалувун дуклан бувхун бур. Училище кьуртал бувайхту, захматрал оьрму байбихьуну бур Ккуркуллал шяраву. Тания махь 50 шинал мутталий, аггалинал цулулсагшиврулсса буллай, давриву дакI дирхьуну зий, бусравну буссар. Ванил ца барчаллагьрай кIиш лагайми чIявуссар. Ххадиджатлул узданну чивун буккан бувссар кIия арс ва душ. ДакI-аьмал хьинсса, инсантурашчал бавкьусса инсанни, цаймигу ххуйсса хасиятиртгал заллур.

ДакIнийхтуну барча дуллай буру ванихь юбилей. Дуллалимуниву тIайлабацIу! Чурх цулулуну, дакI ххарину битаннав! ДакIнийцири мурадру бартлаганнав, оьрчIая ва миннал наслулия тирхханну ккакканнав! Ххарисса кьинирду ялату кьаьганнав!

Уссурвал, ссурвал

КIира шяраваллил лайкьсса душ

Гьуйннал шяраватусса Абу-тIалиблуд ва Муккурдал шяраватусса ПатIиматлул кьушлий бувсса АьбдулхIамидова Муьминатлун вай гьантрай хьанай дур 75 шин.



1976-ку шинал ванил ххаллилсса кьиматирттай кьуртал бувссар Щурагь дянивмур даражалул школа. Вара шинал ташулулгу хьуну, яьнанан бивкIссар МахIачкьалалив. Дуккаврех гьира бусса Муьминатлул, 1970-ку шинал бувххун, 1975-ку шинал лавайсса кьиматирттай кьуртал бувссар Дагьусттаннал мединститут, хьуссар хIакин-стоматолог.

Ва шиналва бувхссар цила пишалий зун Республикалул стоматологиялул поликлиникалийн ва хIакьинусса кьинигу зий буссар вара даврий – сайки 50 шин ца идаралий зий, захIмат буллай. Ванил лахьсса категориялул хIакинну зий хIалал дурссар чIярусса хIурматрал грамотартту, барчаллагьрал чагьарду.

Муьминатлул цила оьрмулул дус МахIаммадашчал, ххаллилу хьунигу буну, чивун буккан

бувссар кIия арс ва ца душ. Лайкьну тарбия буллай буссар минная бивзмигу.

Жула аьзизсса инсаннал оьрмулул юбилейгу барча дуллай, чIа тIий буру Муьминатлун цулулусса ва тирххандарайсса чIярусса шинну. Ина жул шалагу агьлу-авладрал алшилуд кюрура, ххаривура, тирхханура.

Виха мударангу дуаьлийсса вил лас МахIаммада, душ ХIалимат, арсру Апанни ва АьбтIалиб, оьрчIал оьрчIру ва махьсса шалагу агьлу-авлад

Баян

«Илчилий» бишлашисса барча бавурттал тексту буссар укунусса барча баву – 400 кь. суратрашчалсса барча баву – 500 кь.

Альпинизмалул жагьилтал тарбия буллалиссар

Ларгсса нюжмардий Дагьусттаннал паччахIлугьрал университетрал экологиялул институтрал студенттал ва преподавательталгу, Оьруснал географиялул обществалул Дагьусттанналмур отделениялул (ДО РГО) вакилталгу хьунабавкьунни республикалул Транспортрал ва ххуллурдал хозияствалул министрствалул паччахIлугьрал закупкардалсса буллалисса отделданул хьунама, Дагьусттаннал лайкь хьусса строитель **Зиябуттин ХIажимирзаевлул**.

ГьунчIукьатIрал шяравасса Зиябуттин республикалийгу, дазул кьатIувгу машгьурну ур дунялийсса чIявусса зунттурдал бакIурдийн, лахьазаннайн лавхьсса альпинист хIисаврай. Ва гьаз хьуну ур Кьиблалул Американаvusса Аконкагуалийну, Африканаvusса Килиманджаролийну, ряххийла гьаз хьуну ур Эльбрусрайну. Гьаннайсса, республикалул ххуллурдалсса буллалаврицIун, мажал бири-ярча, савьсса багдадурахьаша бакьа битан кьашайсса ххуллийн



Зиябуттин ХIажимирзаев



уккаймагу ур. Студенттурал ванайн оьвчаврил гьанумур мурадгу ванал альпинистналмур даврицIун бавхIусса бия. Вайннал буллалисса суалугу зунттал бакIурдийн лахьлахьийни яла жапами захIматшивуртту цукунуссар, ххуллийн бувкминнан чара бакьа ци кIулну бикIан аьркинссар тIисса мяьна-мурадрайсса бия. – Студенттал хьинну гьи-

рарай вичIи дирхьуну бия, буллалисса суаллу чIявуа, чIалай бия альпинизмалул хьунусса кьулагьас душиву. Аьрасатнаву, профессионал спортрал жура хIисаврай дикIу, инсантал бигьалагансса чаран хIисаврай дикIу, машгьурну дур альпинизм. Ттунна дакI даркьуна, жагьилтурал альпинизмалул багьансса гьира ккаккун, ва спортрал личIиссава

журар, инсаннаву чIярусса ххуйсса хасиятру аьчгу, цIакьгу дуллалисса. Оьннуса чIун хьувкун, интернетравунгу бувххун шаппа-шаппа шябивкIуннир, зунтавул буклай, сислай, саслай, кьанкьа-кьурчIи хьанай хьиннихха. Альпинизмалул, спортрал итхьяххаврицIун, жагьилтурал тарбия дуллалиссар. НигьачIисса иширавун агьманал цува цукунусса хасиятрал заллу уссарив, ссан учIисса уссарив ккаккан буллалиссар. Барчаллагьрай ура ттуйнма оьвкуну тIий студенттурахь ттунма кIулмур бусан, вайннаву зунттал бакIурдийн гьаз хьанансса гьира чантI учин буван, гьира буминнаву цIакь буван, – увкуна Зиябуттин ХIажимирзаевлул.

КIицI лаганна шиккува, Зиябуттин республикалий

хьанакьисса иширттавул чялишну хIала ухайсса жяматийсса ишккакугу, Ватан дазу дакьа ххирасса патриотгу ушиву. ДакI дарцIунугу бура, укун гьарца чулуха итхьяхьсса, чантI увкусса ва гьунар бусса инсантурашчалсса хьунабавкьуртту студенттурал муьнапакьса душиврий.

ПатIимат РАМАЗАНОВА

Зунттуйсса азарханалийгу лаккучув

Оьрму наниссаксса инсаннал цулулсагшиву хIура дуклай дур. Махьсса кIира шинал мутталий нагу агьунна МахIачкьалаливсса Бурчуй азарду хьин дувайсса азарханалийн. Шикку ттуйн бакIрайн агьунни ххаллилсса лаккучув, хIакин МахIсумов Айдамир ХIажимирзал арс. Ванашал хьунни хьун бакьасса ихтилат.



Айдамир МахIсумов

- Айдамир, буси вила оьрмулия, дуккаврия.

– На увссара 1965 шинал Рутуллал райондалий Ялув Чатлухьиял шяраву. Школагу кьуртал буну, дуклан ухханнин, ца шинайсса колхозраву зий уссияв. 1983 шинал на лавгссара дуклан Тверская областрайсса Кашин тIисса шагьрулийн. Экзаменугу дулуну, увхссара Медучилищалувун фельдшертал шайсса отделениялийн. Дуккаврия махь на ацIан увунна «Анаварсса кумаграй» 3 шинайсса зун. Тикку зун багьссар шаллусса 9 шинай.

1993-ку шинал на увкIра МахIачкьалалив, вара шинал кулпатгу буну, зун ивкIра

фельдшерну цал «Анаварсса кумаграй», хьирив ОьрчIал многопрофильный азарханалий реанимациялул отделениялий. Миччагу увцунна зунттуйсса Кожно-венерологический диспансерданийн, – тIий, буслай ур Айдамир.

Ванал хIакьираву на цIуххаву дурссия азарханалул бурчул азарду хьин дайсса отделениялул хьунмур Аида МахIаммадовнахь ва хьунмур духтур Эфендиева Гульнара Аьлиевнахь. Вайннал на Айдамирдуясса чичру

«Илчи» кказитрайн дуллай ура увкукун, рязишинна дулууна.

РКВД хьунмасса пансионат бур. Шиккун нех дирхьуну кьашайшалт най бур. Шикку дур 5 отделение. Миннува 2 зиву дур азарханалул, 1 зиву – хьаннихь, 1– оьрчIахь, 1 – захIматсса кьашайшалтрахь. Кьашайшалт хьин баврил, низамрал, марцIшиврул чулуха республикалий ва азарханалул хьхьичIунсса кIану бугьлай бур.

Айдамирдул бур кулпат, 2 оьрчI ва 1 душ. Вай дуккин буллай ва ххуйсса тарбия дуллай бур.

Ванал буттал, ХIажимирзал, гьарца шинах бучIан байсса бур ниттил мазрайсса «Илчи» кказит ва журналлу. Аьйдамирдул ЧатIлухьав дур аякьалий ядуллалисса буттал кьатри. Гьарца шинах отпуск гьан байсса бур шяраву.

Айдамир кунмасса пишкартал буссаксса жунна азардая нигь дакьассар. Цулулшиву вин, Айдамир ХIажимирзаевич!

ХIусайн ДАВЫДОВ

«Илчилий» хъамалу

«Лакрал шярваллан лакрал имамтал биял хъанай бакъар»

Мубараксса Рамазан зуруй «Илчилу» хъин хъамаличувну хъунни Ккуллал райондалул имам Мухаммад-Маннар Бариев. Мухаммад-Маннардушал табухъурчангу ччимур темалийн багъайсса ихтилат буван бюхъай. Мукунугу, ва мубараксса зурул махъсса гъантрай дакIурдин ххину-чIявуну къамулмину бур диндациями ихтилатру. Байгу-бишинну ванал цалва мукъурттийну.

– Ассаламу аьлайкум ва рахIматуллагъи ва баракату, ххирасса лакрал жямат, уссурвал, ссурвал, жулва лакрал миллатрал «Илчи» кказитрал зузалт! Цалчин учин, ххариссара зу бушиврия, зу буну тийри миллатрал кказитгу бусса. Вания гихуннайгу Аллагънал тавпикъ дулуннав зухъхун кказитгу, мазгу буручлансса.

• – **Вааьлайкум ссалам ва рахIматуллагъи ва баракату, Мухаммад-Маннар. Тийла дацIаннав ва мубараксса зуруй ина дурсса дуаьрду. Буси виява кутлану.**

– На Хъуртгал шярвассара. Ттул ппу Билал ул ветврач, нину Аьйшат бур ингилис мазрал учитель, вай зий ва ялапар хъанай бур Хъурив. Хъунагу хъуссара, школагу бувккуссар бутгал шярвату. 2004 шинал увхссара Ухсавнил Ккавказулал Исламрал университетравун. Вания махъ къуртал бувссар Дагъусттаннал Исламрал университет ва Теологиялул институт. Бувккуссар Дагъусттаннал Гуманитар институтрал магистратурагу. Дурккуну зана хъуну, 6 шин дурссар бутгал шярвату цуну тивтIусса мизитраву зий. Муния махъ зий ивкIссара Гъази-Гъумучиял имамну, Лакрал райондалул имамну, Дагъусттаннал Муфтиятрал просвещениялул отделаний. ИвкIссара Лакрал жагьилтурал ккуррандалул хъунаманугу. Гуржиянавун тIайла увккун, цаппарасса хIаллай тийхгу зий уссияв. Яла ивтунна Ккуллал райондалул имамну, шикку зий ттул шамилчинсса шинни. Цанансса чIумал на заочнайну дуклай ура Шярваллил хозяйствалул вузраву 2-мур курсирай.

• – **ДукIусса вишалсса ихтилатраву махъ райондалий ци даххана хъур, цIусса ци бусан бюхъансар?**

ДукIусса ихтилатраву на кIицI лавгессия Ккуллал райондалул циняр шярваллаву бушиву мизитру, так Ссухъияциял шярвалу личIаннин. Аллагънайн шукру, тти ва шярвату байбихълай бур мизит буллау. Цушуллал шярвусса хъхичIавасса мизитрал къатригу махъуннай мизитрахъхун дулунсса икьрал дурсар. Жул цалчинмур мурад гьарца шярвату Аллагънал къатта бикIавур, кIилчинмур – мизитиртаву имамтал бикIавур, акбаргу тий, оьрчIан къурангу лахъхъин буллау, диндалул багъу-бизугу бачин буллан.

Ца агъамсса зат цамургу – диндалул ххуллийх бачинсса, дин гихуннай дачин дувансса, элму дурккусса жагьилтал бушивур. Ва мурад шаллу шаву мурадрай,



Мухаммад-Маннар Бариев



Ваччав ва Ккулув мадрасартту буллау байбихъуссару. Жул мурадри Лаккуявасса оьрчIал, дугу-дурккуну, цалла-цалла шярваллаву дин дачин даву.

• – **Жулва хъхичIмур ихтилатраву ина кIицI лавгуна лакрал шярваллан лакрал имамтал биял хъанай бакъашиву. ЦIана тагъар цукун дур?**

– Лакрал имамтурацIун дархIусса тагъар даххана къархъунни. Лакрал имамтал бур анжагъ ца-кIира шярвату.

Гьарца шярваллил жяматрал, бавтIун, маслихIат бувну, цала шярвава диндалул элму лахъхъин ца-кIия оьрчI тIайла уккарчан, цуксса ххуйну къабикIанссия. Шярвассара, кIиккура мина-гъану дусса имам ухъурчан, цукссагу къулайшиву дикIанссия.

Жу дуклай бивкIсса Дахадаевлул цанийсса кIичIиравусса Исламрал университетраву дуклакминнан дур 5 шинай украсса дукия, лаххия, уттушинсса кIану, дуккаву, кутлану учин, дуклан ччисса, диндалул кIулишивуртту

ласлан ччисса жагьилтурансса циняр шартIру.

• – **Исламрал вузирдаву жула лакрал оьрчIру чаншивруцIун дархIусса тагъар даххана хъурив?**

– На дуклан увхсса шиннардий Лаккуй динчитал ца канийсса кIисурттай буккинукусса бикIайва, вузирдаву дуклакмигу – вайкссава. ЦIана жу лавгсса чIумал, Аллагънайн шукру, лакрал миллатраясса тамансса оьрчIру бия дуклакисса. Жу лакрал шаннагу райондалиясса оьрчIашал хъунабавкъуру. Вайнаву яла чIявумигу бур Вихъуллал шярвассара. Та чIумух бурувгун, тагъар къулай хъуну дур, та чIумал увагу 4-5 оьрчI ия, цIана – 23. Умуд бур мадрасартту тIитIавришун исламрал вузирдаву дуклакисса лакрал оьрчIругу чIяву хъунсар тIисса.

• – **Мадрасарттан цIусса къатри дуллалиссарив ягу духми цIу дуккан дуллалиссарив?**

– Мадрасарттан цIусса къатри къадуварду, духми цIу дуккан дуллау буру. Ккулув, мисалдаран,

мизитрал тия чулий дуссар Исламрал университетту бувккусса, жулла Лакрал ва Ккуллал районнал хъхичIунсса динчи Сиражу-ттин Къурбановлул кIизивулийсса ххаллилсса къатри, вай шаллуну цIу дуккан дуллалиссар, вайннул залуннал ихтияр дуллунни шиву дарсру дихълан. Ваччавгу мукунна цIу дуккан дувантIиссар духсса, хъхичIра налоговыйлухъ диркIсса къатри. Жул мурад дин лахъхъин бивкIсса оьрчIан шайсаксса къулайшиннарду шаллу давур, марцIшивугу, гъилишивугу, чанигу, чаннашивугу, оьрчIан кIикку шайсаксса хъуннасса чIун гъан дуллансса гъира бикIавур, кIиккусса агъаммур дуккаврия махъ, продленкалий кунма, бигъагу лавгун, цанна чийзагу хIарчIун, школалийсса цалла дарсругу дурну, чIунгу мюнпатну гъан дурну шаппа-шаппай лагавур.

Мадрасартту, Аллагъналгу кавакъуну, ва шинал сентябрь зуруй зузи бувансса умуд бур. ОьрчIанми къатри личIину, душваранми личIину бикIантIиссар. Мадрасартту цивпацалсса шаллу къавхъунугу, Ккулув ва Ваччав оьрчIру къуран лахълай буссар.

ХIакъину жува жулва оьрчIал

ивкIуманал хъуслия садакъа буллан къабучIиссар.

• – **ЦIана ца яла цIюрукъумур теману хъанакъхисса СВО-рал ялув. Къачанну баяй та жулла аьрши дакъар, тай мусулман бакъар, тиккун талан гъан къааркинссия тIисса ихтилатру.**

– Тийлар, чан къашай мукунсса ихтилатру. Тарихрал ккаккан бунни «моя хата с краю» тий шябивкIний душманнал канийн ласайшиву, аьршиву цаллашиврий дирхъуну. Жулва буттахъал буслай, жунма кIулли чIатлу цалунма гъагъан къашайшивриясса, ва, шиккува, ца-цаних тий, шяпри лахIан буллау, гъагъан бигъашивриясса, цацIу бухъурча, шишачIав лахIан буван къашайшивриясса бусалардугу. Ва дур жулла ватан, жулла хIукумат, ванил дазурду душманнал пив дуллау унува тийнмай бацIарча, ци хъунсар. Жуйна къарши дурккун дур цимирагу хIукумат. Амма, навагу къалавгун, цаманакъ чара бакъа тихун насу учингу я ттуша, я цаманакъ къашайсар. Тихун лавминнахърив тий буру, зулла ватан дуруччин най буру, ванийн зарал къабияншиврул най буру тIисса ният дувару тий.

Дъявигу бацIаннав, аьршарай чIясса чIумуй паракатшиву хъуннав. Амин.

• – **Вила буттал шярвату, Хъурив, бикIу, лакрал цайми шярваллаву бикIу, мизитиртIавун заназисса чIявусса бурив?**

– Ттун дакIний бур, на дахъа дурккуну шярвату увкIсса чIумал му шинал тIивтIусса мизитравун заназисса кIия инсан икIайва: ттула ппугу, Мусалав тIисса ца яручугу. Мукуна мукъа чIивисса оьрчIу, ттула га шинал риршусса вайннал суратгу дуссар. ХIакъину, Аллагънайн шукру, шярвусса жагьилтурал 90% бур мизитравун заназисса. Сакин бувссар шярваллил фонд, шярвалу цIу дуккан дуллау, мюнпат бусса личIиличIисса давуртту, проектру шаллу дуллалисса. «Хъуртгал мизит» тIисса цIанилусса группагу буссар, чIун-чIумуй батIайссару, Лаккуй бикIу, шагърулий бикIу, бувайссар спортрал бяст-ччаллу, ххал бигъайссар агъамсса масъалартту. ДакI ххари хъанай дур укунмасса фондру лакрал цайми шархъалгу буну, лакрал мюрши шархъурду цIу лаглай чIалай.

• – **Хъунма хIал ливчIун бакъар мубараксса Рамазан барз къуртал хъун. Ва зурул ливчIми гъантри цукун гъан буван маслихIат бавив ина?**

– Цалчин, на барча дуллау ура зухъ, лакрал миллатрахъу, Дагъусттаннахъу, ялун нанисса байран. Зу дургъуцири зумарду, бувицири хъинбаларду АллагъначIа къамулну лякъиннав. Ва зурул барачатшиву шаллусса шинай личIаннав жушалла.


Вай ливчIсса гъантригу, зумардугу дургъуну, уттинин къадургъусса ухъурча, царарагу дургъуну, дуаьрдай, имандалий гъан бувансса тавпикъ дулуннав Аллагънал жухъхъунна.

Шинайсса ацIния кIивагу зуруву яла даража лаваймур хъанакъхиссар Рамазан барз, ножмардийсса аруллагу кьинилува яла даража лаваймур хъанакъхиссар ножмаркьини, шинайсса 365 кьинилува яла хъинмур кьинину хъанакъхиссар Аьрапалул кьини, мукунна циняр



«Илчилий» хъамалу

«Лакрал шярваллан лакрал имамтал биял хъанай бакъар»



**Мухаммад-Маннар (дянив),
Аьрасатнал Виричув Нурмахаммадлул уссу Аьдуллагь (киях)
ва Хъусрацатусса тренер Хизри (урчлах)**

хъхурдардиву дуссар яла хъинмур хъху – Къуран ливксса, Рамазан зуруй дучайсса Лайлатулкъадрулул хъху. Ванил даража азарва зурулния (вай 82 шин хъанай дур) лавайссар тар. Лайлатулкъадрулул хъху Рамазан зурул махъва-махъсса ацва гъантлийн дагай-ссар, цурдагу чут дакъамур къинилийн. Му хасну цумур хъхуригву къабувсун бур инсантурахъ, цанчирча му бувсэссия, инсантурал ца му хъхуну дурсса эбадатрайну гъашиву дувантиссия.

– **Рамазан зурул ахирданий булайсса закят цукун шаллу бувну хъинссар? Ва таксса инсаннан буллуну хъинссарив ягу мизитравун?**

– СахI булун гъарцагу инсаннайсса буржри, ахIвал-хIал кIюламиннан ва аваданминнан цанна-цанна ккаккан дурсса лагру дур. Ккаккан дурмурнир чанну дулун къабучиссар, ххину – бучиссар.

Ва кIанай, ттунма хIсав хъуну, чIявуну бийкълан бикIай инсантал: таксса инсаннан буллуну хъинссарив ягу мизитравун тIисса чIумал, вайннан ххай бикIай мизитравун дуллумур гиккура личIайсса. ЛичIан къабюхъайссар. Мизитравун дуллумургу дачIайссар сахI багълагъминнайх.

Кулпатравуминнахлу (оьрчIахлу, шарссанихлу, хъунив хъусса нитти-буттахлу) закят булайссар къатлул бакIчинал.

Ятинтуран буваймур кумагив личIиссар, вайннан кумаг баври-ясса, вайннал чIарав бацIавригъсса личIисса хIадисру, аятру буссар. Шиккугу бувчIлачIисса зат бур, ва зуруй дуллумур, дурмур цимиллагу хъунна хъанахъишиву.

– **КIулли ина, диндалу-ву акъасса, спортраву, цайми-цайми иширтгавугу хъхъичIунсса ушиву. ХIатта мотоциклетру ххай давривугума...**


– Мияжанссар, спорт ттун чIивинияцIара ххирассар, ванихсса ччаву ттул оьгтувара дур. На оьрмулул 5 шинавува спортрахух гъан увнав буттал. Лечин, тIанкI учин, лачIун уккан, турникрай личIи-личIисса увинтру дуллан.

2018 шинал байбихъуну, Шахъуйннал шяраву буллау буссар цIусса кIизивулийсса мизит. Уттигъанну бивхъунни мизитрал чIавахъулттив.

Ларгсса шинал шаллу хъуссар чарилми давуртту, бувну къуртал бувссар чIиртту, дирхъуссар магъи. Мизитрал имам МахIаммад-хIажи Сагидовлул бусласимунийн бувну, магъи дирхъуну махъ гихуннайми давуртту дуллан цукссагу бигъа хъуну дур.

Дин, иман, ислам

Щаллу шавай бур Шахъуйннал мизит



– Магъи дакъасса чIумал аьркинсса стройматериал ласун хъанай дакъая, ларсмур гъарлу ва марххалттану личIлай дия. Аллагнайн шукру, шаллу хъунни магъигу. Ва дувангу ишла дурссар хъинну ххуйсса мах, сайки 50 шинай диянтIисса. Мах ласлайсса фирмалий жун багъагу ялавай бунни, яла дуртмур чирину дацIаннав, – тIий ур МахIаммад-хIажи.

БакIрайва мизит баврил сиптачи хъуссагу МахIаммад-хIажи цувари. Мизитрал гъанугу МахIаммад-хIажинал ва ванал арснал Арсланулли бивхъуса. Гай шиннардий хъунмурчIин Кострома шагърулий ялапар хъанай, Лаккуйн увкIсса МахIаммадлушалсса ихтилатраву шяраву къатри дуллау зузисса яруссаннал миллатраясса устартал махIаттал хъанай бивкIун бур, къасса ххуйсса кIанай дирхъусса шяраву шиккувасса инсанталгу, ялун бивкIмигу чак буван буххансса мизит бакъашиврий. Ваниннингу мизит баврил явлул пикриду ук-тук хъанай бивкIсса МахIаммад-хIажи ва ихтилатрал гъуз учин увну ур хъунмасса чирилунсса даву дуллау айишаврийн. Ванацин, ванал арснацIун шярваллил жагъилтуралгу (Аьдул Аьлиевлуя, Зураб Аьлиевлуя тIайла хъуну) кабавкъуну, гихуннай цинявнналагу архIал дуллан бивкIссар ва ххисшала дакъа аьркинсса ва мюнпатрансса даву. Вайннал хъирив бавчуссар шярваллил махъсса агъалигу. Шайнал шайсса кумаг

буллау, лагма лавгун, анаварну къахъурчангу, хIалли-хIаллих тIий най, вана лахъшиврий ва утташиврий итталун дагъансса мизитрансса диялсса къатри хъуну. ХIазран бакъар учайсса дулалимунуцIун Занналгу кабакъайссар куну.

– Аллагнайн шукру, шярваллил жяматрал, дустурал кумаг бувунни, буллау бур. Мизит буллау байбихъунния шийннай, чIун-чIумуй дуллау, хъуссар чIярусса субботникру, вайннулагрулийгу диялсса давуртту дуван бювхъунни. Субботникирттай, шярваллил жагъилтурацIун, цайми шархъаямигу гуртту шайссар, мукунма лакрал районнал имамталгу бувкIссар кумагиран. Ххарира Хъунасса Заннал ттухъхъунна укунсса давривух хIала ухансса каши дулаврихлу. Мизитраву, чара бакъа буван аьркинсса чак баврицIун, жяматран мюнпатрансса цайми давуртту дуллансса нятту дуссар. Аллагна кумаграйну ва даву бакIуйн дуккан дуван хъунссар тIисса хъул-умуд бур, ин ша Аллагъ, – буслай ур имам.

Мизитрал проект шаллу дурну дур ца дурксса архитектор, Аьрасатнал язисса ттурша архитекторнал сияхIраву цалмур цагу дусса Камил ЦунтIаевлул. Ковидрал пандемиялийн бувну, мизит булансса устартал къаляхълай, давуртту кIира шинай дарицIуну диркIссар. Ххуйсса устартал лякъингу Камиллул цалва кумаг бувссар.

Мизит цуппагу буллалиссар

бигъа дакъасса къайдалил, форматрай, шанма-мукъва журацца чару ишла буллау.

МизитрацIун дархIуну ларгсса шинал дуван бювхъусса давурттаву кIицI лаган бювхъанссар кIива фронтонгу, ца – шярваллил чулухсса, ца – Гъази-Гъумучиял чулухсса. Минарагу 5 метралул лахъ бувссар. Ларгсса шинал мизит буван харж дурну дур 2 миллион ва 223 азарда къуруш арцул.

Дулланмур ттигу къачанни. Гъашину зунссар чани буцавриха, шаллу дулланссар гъилисса пол, ялагу ка ва арцу хъирив лармур. Цанасса чIумал ци дуллангу къабигъар. Хаснура стройматериал диркIссаннуяр цимилгу ххира хъусса чIумал къабигъар къатри дуллан. Амма, кIиннал къун бутайсса кунма, циняв цацIун хъурча, дуван къашайсса зат дакъассар. Аллагнаясса цайвасса цимилун, чирилун мизит буллалисса давурттаву хIала бухлахимигу чан бакъар, шайнал арцуину, арцуину къашайнал – давурттайну. Къачанни арцуину, давурттайнугу кумаг буллалимигу. Ларгсса шинал Рамазан зуруй баян бувссар мизит бувансса арцу датIлатIишиву. Гъашинугу, мубараксса Рамазан зурул ливчIсса ацIвагу гъантлул дянив, баян бувну буссар мизитрансса арцу датIлатIишиву. Бувсса чIивисса бухъурчангу хъинбала цукссагу хъунма хъанахъисса, Аллагна-ясса цими, чирин ххисса ва зуруй ва давривух гуртту хъанахъисса лагу, цайми миллатирттал инсанталгу чан бакъар.

– Мизит буллалисса давуртта-вуху, Рамазан зуруй мизитрансса арцу датIавривуху гуртту шай хъинну чIявусса инсантал, жула лакрал шархъал фондру, Аьрасатнал личIи-личIисса регионаясса мусульман. Ца дурксса спортментурал, ХIабиб Нурмахаммадовлул, Ислам МахIачевлул, Тимур Валиевлул, Усттар МахIаммадовлул ва цайминнал, соцсетирдайсса цалла-цалла страничкарай дишай мизит буллалисса давривух гуртту шаврийнсса оьвчавришальсса видео-ролик, – буслай ур шярваллил мизитрал имамнал информациялул даврил чулухасса кумагчи Аьдул Аьлиев.

Шиккува кIицI лаган, шяраву мизит буллау байбишаврил Аьдул ХIаласса жагъилтуравун гъавс бувтун, вайннал, сакин бувну шярваллил фондгу, жяматийсса советту, куннил хъирив кув дуллау байбихъуссар хъин-хъинсса давуртту. Шяраву дан-дитанмунил ХIсав-сан, план дуллау, чIун-чIумуй шайссар фондрал ва советрал батIавуртту. Мизит буллау байбишаву барачат хъуну, жагъилтурал аькълугу, гужгу, оьрмулул биялминнал аькълушивугу цацIуну, шар утта дуккаврил буши анавар бувкссар.

Шярваллил жямат, фондрал вакилтал хъунмасса барчаллагарай бур ва мубараксса ишираву цала чIарав бацIлацIиминнай, ка кIидахIлахIиминнай, Аьли-хIажи Ахъушинскийл фондрал, «Бурхан» тIисса ихIсандалул фондрал.

Мизит шаллу хъуну, шива акбарданул чIу баллалисса, чак буван шивун инсантал нанисса къини ччяни дучIаннав. Дуниял паракъат хъуннав. Амин.

Бадрижамал АьЛИЕВА



Буккултрал назмурдава

Оьрчшиву

Дустал, пашман машару,
Най дур тий лерхун шинну,
Хьамагу маритару
Магьлул хавар – оьрчшиву...

Махру датин Муркьилийн
Бяст-ччаллий лагай чунну.
Арчимайрттай ва тийрдай
Мизитрах буккай чунну.

Бярч-кьунча бакъа хьуну,
Луглай лякьин къахьурча,
Бурхлай-Кьалалийн лавхьун,
Гьумукун оьвчай чунну.

Интнихьуну къавтирду,
Занбараг битай чунну,
Ниттихьал дурсса бартри
Цияллайх мяш чай чунну.

Чирай къапурду бишлай
Манзил сундалух буцлай,
Кинорахаллил ккурчав
Мюрш арцуи буккай чунну.

Чун хьуннасса ларгнугу,
Шинну чарах дуркнугу,
«Накьрутлу» ва «Мусил ттархь»
Дакнийн багьай уттигу.

Дакнийн бутларча ттигу,
Хьунссия гьасса чичин,
Агь, чуннуи жул оьрчнийсса,
Занадуван къашайсса!

Кьаритав на Лаккуй

Пар тий бур цан савний
Чаннасса цуртти,
Дур иминну шанай
Ттул шяравалу.

Шанай бур Хьун-Мизит,
Кинорахалу,
Шанай бур Чилайми,
Пахь багьну – Гьухьал.

Хьуннех шанавух дур
Хаварду буцлай,
Кьурунна-Бакьу бур
Макьру ххал дуллай.

Оьрч заманнай лечлай,
Багьлай-бизлайсса
Клай кичирттугу бур
Кьорххилнин бачьва.

Хьху лаглай, кьорх дуклай,
Дити гьан шинну,
Кьаритав на Лаккуй
Ттула оьрчшиву...

Дяркьу-щиначлан гьанну

Ачу инагу-нагу,
Виштал жува киягу,
Щябивкун автобусрай,
Гьанну Лаккуйсса шаппай.

Жува Лаккуй бияйхту,
Щют чинну дустураингу,
Шинну экьидичинну,
Оьрчшиву занаданну.

Буттахьул шыбиклайсса
Дяркьу-Щиначлан гьанну,
Ца-ца пиркьугу буну,
Хьат риршу ххунки бичинну.

Дакнийн бичинну жула
Дустал, чун дакъа лавгсса,
Ларгсса шинну, оьрчшиву,
Жула тяхьа тьуркьурду.

Занахьунну

Лагавай дур кьигу, дучанссар инту,
Бургьил гьили дансар дяркьу аьршигу,
Занахьунссар цунил лухи чьелмугу,
Оьрчнийва ххирасса жула читригу.

Оьрмугу най бурхха вияту архну,
Архссаксса кунку тий дур вичан дакьу.
Агь, ттул Лакку кьануй, пахруй, цуцлавуй,
Вича бакьанугу – вишталли дакьу.

Бурахьа дакьиву ина жагьилна

Чуннайрив ларгунни дирисса шинну,
Жула жагьилшиву, жула хиялуу.
Га чумал цу лахьлай диркьсса дакьугу,
Циваннив, дурхха тти дахьра гьилину.

Бакь кияла хьунугу, оьрму лавгнугу,
Бурахьа дакьиву ина жагьилна.
Хьай-аьтисса яру муькал буцуну,
Чарав бусса кунма, чалай бур ттигу.

Кьура-кьура даллай савний ттурулив,
Кьаляхьлай дунуккар ххулу, баякьуну,
Кьайннух лавхьуну икьара нагу
Та чумал баякьусса ххал буллай ххулу.

Ниттил кьадру

Кьану гьуркку буллай хьхурай дур нину,
Кьюллай, къашанай ур цаннив чивитлу.
Шяв бувтсса шанурдай хьуними оьрчру,
Нукьува шанай бур, цачун льякьуну.

Балай экьинай бур, уххай тий лагьну,
Бакь кьантуй дирхьунни ниттил, даркьуну.
Халлих хьунни кьанттул зеркьа тьутлаву,
Шанай бур киягу – оьрчру, нинугу.

Я къалакьлай ларгсса тай лахь хьхурду,
Оьрчру хьун буллай ларг жагьилшиву,
Ссах буцин бюхьайссар, жул аьзиз дадай: –
Къашайхха дуссаксса бунан вил кьадру!

Духьунссар цанакул цамургу нину
Кьану гьуркку буллай Лаккуй шяраву.
Бухьунссар уххайгу, гара макьангу
Оьрчал шанайсса иминсса пишгу...

Ниттил сурат

Таннул рамкалува,
Чирай лавхьусса
Дурахьа ялугьлай,
Дадай, ина ттух.


Чалай ттул пикрирду,
Чарав дакъанна,
Дура ина ттигу
Ттулсса буллайнна.

Шиннардил унугу
Вияр хьуннасса,
Вил чарав на ттигу
Ура оьрчинува.

Зана дуван шинну
Тти къабюхьайхха,
Дакнийсса цуцлавуй
Бигьа къашайхха.

Вил яру, вил кару,
Вил пиш аьчухсса,
Цуксса чун гьарчагу,
Ябуллай ура.

Закир ИСМЯИЛОВ,
ш. Кисловодск



Хьаннил кьинилуха

Бавцуну хьачанну жу, арамтурал,
Хьами бюхттул буллай, шараврал кьуртти

Хьамакьаританну Совет хьукумат,
Хьами архал бувсса арамтурашал,
Миннахьхун дуллусса каша ва кьудрат
Ярагь канил бугьан, ссурулун лехлан.

Халкьуннал дакьиву абадлий буссар
Зунттал магьлул пари – Парту-Патима,
Душманнал хьурттарай хьун ччала бивзун,
Ватан ядансса яхь оьрчлавун бувтсса.

Яллагь, къаккакканнав
хьаннин лякьул дард,
Лякьул оьрчяяту чани кьакканнав,
Дуллусса духхала хайрну лякьиннав,
Чаннасса савнилу оьрмурду гьаннав.

Кьабуллан оьрмулуд мурад булуннав,
Буллуми шалиххан Заннал битаннав.
Буттал къатлуйн ттилики,
ласкъатлуйн лажин
Дургьусса бизаннав жагьилсса жалинт.

Бархьалла Мурадлу аьпалун

Ина жан дулунни буттал кьанттухлу,
Хьайран буну циняв ссурхь ва лакгу,
Махьрунну ливчунни вил нину ва ппу,
Кьухьлайна, кьуртла тий
вил бивкьулуд дард.

Чявусса ливчуссар вил шяравату
Улча бюхттул бувсса чиварки ва душру,

Ина хьунна дунни ми цардал кьюкьа,
Вила жандалийгу хьайп къаувкуну.

Чансса ливчун бакьар ва лакрал улкуй
Лякьул дарду духьлай нитти-буттахьул,
Духьанссар, кьухьанссар тти вилминналгу,
Ялун хьай, вив аьтлий оьрму бутанссар.

Пахру бара лакрал, ссурхьиял дянив
Ххаллисса арсна, виричунна.
Магьирлуьгьрал кьуруй, агь, Бархьалла шар,
Дард хьамаритансса талихь буливуй.

Чяйнал Нариману ва Арсенну аьпалун

Виртгал ливчуссар Чятугу,
Буттал кьану бурувчсса:
Маккайхьал Шаххуй танкист,
Цясса бити Далиев.

Миннал аманат зугу
Щанихну биттур бунни,
Зула жанну харж дурну,
Аьрасат бурувчунни.

Шяраву царду дурксса
Зул ххаллил тухумиртгал,
Зул бивкьурду дакьинийну,
Оьрмулун хьай бача.

Бивхьуну бухьурчагу
Гьурбатрай аьршараву,
Шяраваллил агьалий
Зуха макь рутлай буссар.

Махьмуд АЬЛИЛОВ,
ш. Сунбатлул



Агъамсса ихтилат

Хиарачат бубанну лакку маз ябуван

Чалачисса куцуй ниттил мазран цаппара шиннардива лайкъ бакъасса къадар бучан най бур, бухлаган най бур. Ванил барашинна вана – 9 классрал килшиву дулайсса школалий программалуву диртун дур дурагу 6 ссят, килий чан дурну дур.

Жува турча, лахлай буру, ингилис мазрая тайла хуну, жула душмантурал мазру. Оьрус маз турча, лахъхин къабучину бур Прибалтиканал шаннагу республикалий, Украиннаву ва Молдовиянаву. Тгун къакулли ссахарив зузисса ДГПУ-рал, ДГУ-рал филологиялул факультетирттал лакрал отделениертту, Килшиву дулаврил министрвалучисса Тахо-Годил цанийсса НИИ-рал лакрал отделение, Килшиву гъаз дайсса МО-лучисса ДИПК ПК, жува, халкъуннал, бувчусса Паччахлулгьрал Думалул, Дагъусттаннал Халкъуннал Мажлисрал депутатътал циванни ниттил мазрал хакъиравусса закон къамул дуван хъирив къабуклакисса? Вай чувчлав я чичлай, я гьалгъа тий бакъар ниттил мазрая.

Цана лакку маз (ниттил маз) ябавриха, хъьичунмай бавриха зузисса ливчун бур так «Илчи» кказит ва «Шубарз» журнал. Хъунмасса барчаллагъ редакциярдан ва зузалтран!

Школардай дуклаки оьрчансса лакрал литература итадакъайсса акъар. Аьпа баннав цал, Хъусрацатусса Рахимов Къабуллагьлул ва Илиясова Марияннул, вайннал хъирив ларгунни лакрал литературагу.

Хусайнаева Качар «Илчилул» редакторну бивкисса чумал, бавтун «ккурчки стол», лакку мазраха гужну зий биклайссия.

Хурмат бусса лакрал жьамат! Миннатри, бачияра жушава шаймур бубан! Ва ялун дуркисса 2024-ку шинал гьарцаннал чичиннуча «Илчи» кказитгу, «Шубарз» журналу! Вай багьлул ххирассагу бакъархха. «Илчи» – 500 кзуруш, «Шубарз» – 300 кзуруш дачи шинайсса, шагьрулий

киоскрайхчин хъиннува къювкуну. Дунияллийсса хаварду миннуй бур, ччарча СВО-лий талатисса жула къучагътурайсса хаварду, ччарчагу магьирлугърайсса, ччарчагу барча бавуртту.

Ххирасса арсрув, душрув, уссурвал, ссурвал! Мъш машаруча 800 кзурушрай, ччарча «Илчи» ва «Шубарз». Тгунгу 82 шин шавай дур, шаймур нагу буллай ура ва жула ниттил маз ябуван.

**Хурматрацал Махмуд АБЛИЛОВ,
ш. Сунбатул**

Ниттил мазрал къадар

Циванни ниттил маз къухна буллайсса? Душмантурал мазру лахлай бунува, Уссурвалну диркисса республикарттай Оьрус маз лахълансса къадагъа дуна?

Бакъаривла мудан сийлийсса махъру Лакку мазрай нину, гуржиял нана, Ярусаннал баба, къумукьнал анам, «Ччатулмур мазраву» бакъассар икрам.

Мама, папа тисса букъавчлай махъру: – Махлатталну личлай гьапу-таттагъул, Къаххуйрив увкуну бавай ва буттай Тяхъа дуккан дуван вайнналгу дакьру.

Щуну хъанахъийни шяраву кулпат Барчагу бувайссар так ниттил мазрай, Суклуврай араммтал шябивкун буний Ссаламгу булайссар так ниттил мазрай.

Школалий оьрчлахъ ниттил мазрал дарс Циванни чан дурсса, ци сававрайри, Чуври депутатътал халкъуннал бувчисса, Ниттил мазрал закон къамул дувайсса?

Давдил ца зумух ласласийни учайсса бивкун бур «ххаллил Давди» куну. Ва мукъулва буслай бур цукунсса адамина ивкиссарив Давди. Бусалардайн бубну, Давди чурххал оьвхъусса, лахъсса, авурсса сипат дусса, аькьлулулгу увчусса, гьунаргу ххисса жагьил ивкун ур.

Тарихрава

Бархъаллал Давдия ттунма килмур



Бархъаллал шяравусса Давдил къатри

Хакъинусса кьинигу Бархъаллал шяраву яхуну дуссар Давдил къатри. Давдил ци кулпат бивкиссарив килсса бакъар, оьрчру бивкиссагу хавар бакъар. Ванал насаврал мацца-гъан шяраву мадарасса бур.

Бархъаллал шяраву буссия кива ссу – аьпалухъхун лавгсса Жумягу, Жуоь-бавагу. Вай бия Давдил гъанчув. Жумягулул арс увний мунан Давдил ца дирзун дур. Амма му чивинийва ивкуну ур. Яла, Жуоь-бавал арс увсса чумал, мунангу дирзун диркун дур Давдил ца. Жуоь-бавал оьрму лавгссар Тпюхчарав. Миннал жьаматрал дянив ва бусраврай биклайва бусурман дарманнугу бувайсса, хал бавкъусса хъамитайпа буну тий. Жуоь-бавал Давди хъуна хуну, ваналгу хъунмасса агьлу хуну бур.

Ялагу Давдил гъанчув иклайва кия усу – Амирхан ва Махаммад. Вайннайгу хъунмасса агьлу хуну бур. Давдин мацца-гъансса ялагу буссар. Вайннан цинявннал Давдия пахру буссар, аьпагу учайссар.

Давдил оьрмулия гьарза-гьартану кил буван бигъану бакъар. Лакрал дакнихсса творчестволулу цакъ хъусса баллада личаннин, ванал багъу-бизулия чивчусса чичлав бакъар. Замир-Аьлил тимуних вичи диширча, Давди къул-лугърай зий ивкун ур Гьумук Агьлар ханнаца. Агьлар-хан, жуна килсса кушуй, инсантурай рахму байсса тайпа ивкун акъар. Амма, Замир-Аьлил тийкун, политика дачин дуван ххуйну килсса ивкун ур.

Агьлардул Бархъаллал ххаллил Давди лавмартну ивчан савав хъуссар тар Гьумучиял члаххуврайсса шяравасса Шагалай тисса, хъинну бакьралгу ххуйсса душ. Мукун тий чивчуну бур чивчусса затру килсса мува Замир-Аьлил. Муний ябавчуну бивкун бур Агьлар-ханналгу. Халкъуннаву бивкун бур хаварду Шагалай ва Давдил хакъиравусса.

Хасил, чун ларгун, Шагалай цанма шарну бувчуссар тар Агьлардул.

Амма мунан кил хуну бур Шагалай буцин цува чал хуну ивкшиву. Мугьлат бакъа ниьгал бубну, ханнал Шагалай мукру хун бубну бур. Къабювхуну, ганилгу бувсун бур Давдишала цуппа хъунабакълай бивкшиву. Ялун къаличирчагу, цалла дянив ччавугу диркшиву. Шагалай бакьрачан яла ци бивкиссарив килну бакъар. Амма, шак бакъа, чалай бур му иш ханнал цаннасса къюкьалану къамул бувшиву. Оьсса ханнал оьсса тулгу дурну дур. Лавмартну, загьру булуну, Давди ивчан увну ур.

Мунайнхъамалу оьвкуну, хлачиялувун загьру бичин бубну бур. Мичча шийнмай лъвхуну бур халкъуннаву «Бархъаллал ххаллил Давди» тисса балладагу.

Давди Гьумукун лагайсса, учайсса ххулугу бивкун бур Бархъарату Щутуйхчин Кундид увкун, Кунди Шахъував, яла – Гьунчукьатра-кзурух, Гьухъалла-кзурух Гьумукун.

**Казбек ШАЛЛАСУЕВ,
ш. Бархъал**

Подписка 2024

Ххирасса «Илчилул» буккулт!

ЧИЧАРА ККАЗИТ

Баян буллай буру дайдирихъшиву
УФПС-райхсса

2024 дачишинайсса «Илчилул» подписка!

Лакку кказит зуша бучан бан
хъанахъиссар укунсса ххуллу-ххуттайх:

Федерал почталийх:

● дачи шинайсса - 542 къ. ● зуруйсса - 90 къ.

Дагпечатьрайх:

● дачи шинайсса багъа –175 къ. ● зуруйсса - 29 къ.

«Почта России» сайтрайхчин:

<https://podpiska.pochta.ru/press/П7046>

● дачи шинайсса - 542 къ. ● зуруйсса - 90 къ.

Редакциялийхчин Дагъусттаннал дазул къатлув:

● дачи шинайсса - 1375 къ. ● зуруйсса - 230 къ.

Маданият

Дагъусттаннал устартурал ужагъ ябуллай

Халкъуннал касму-сянатуруттал буттахаъя ирсирай жучайна дирсса культуруар. Дагъусттаннал цаныхсса устартурал ца ларгун дур шаллагу дуняллийх. Аьсрудал лахъишиврий ца никирал вавур никиран лахъхьин буллай ябувсса канил пишарду бухлаган къабитаврицун кабакъу буллалисса ца кюру хъанай бур имам Шамиллул цанийсса кичиравувсса Махачкъалаливсса Халкъуннал канил пагъмурдал центр (Центр народных художественных промыслов).

Жулва лаккудуш Земфира Омарова зий бур ва центрданий. Ванил ппу Аьли Къурлатусса ур, ниттил Башаратлулма ппу Цийшатуусса ур, нину – вава Къурлатусса. Махачкъалалив 26-мур школа къуртал бувайхту, Земфира дуклан бувххун бур Промышленно-экономический колледжравун. Ва къуртал бувайхту, зий бивкун бур личи-личисса давурттай, «Алпан-голд» тисса заргалтурал компаниялий. 2018 шинал ванийн овькуну бур ялув кици лавгсса центрданий зун, хлакьинусса кьинигу вава канай зий бур. Ванишалли жул хлакьинусса ихтилату.

- Земфирай, буси инава ва центрданийн цукун тлайла бавицуссарав ва кутлану центр хласул баврил тарихраюгу.

– 2018 шинал ттуйн овькунна шикку зун, ва Туризмалул ва халкъуннал касму-сянатируттал иширтгалсса буллалисса министрствалул биалаливсса идарар. Халкъуннал касму-сянатуру – зунтгал биляятрал пахрулувсса ва кьиматрайсса ххазинар. Миллатирттал культуруалул ва республикалул лажин ккаккан дуллалисса визитная карточкар. Республикалул хъуниминнал 2011-2016 шиннардий Паччахлулгьрал программа къамул дурну диркиссар, халкъуннал касмурду цу дуккан дувавриха, жула устартурал ва заргалтурал дурмунил кьимат гъаз бавриха зуншиврул. Вава мурадрайри центрду хласул бувсса, 2012 шинал тивтувсса. На шиккун бучайхтугу, ттухъ хъунамал увкуна: «Жулва



Земфира Омарова

Арцу-мусия чюлушиннарду ва цаймигу затру дан килусса, гьунар бусса устартурал кюрттир Гьумучиял, Оьргьрал, Ссугърациял ва цаймигу шяраваллурду.

Буниялтунгу, Дагъусттаннал халкъуннал касмурду хъамадитан даву жунма кьокьала бизан аьркинссса ишири. Тарихравун дахъва ххитлу хьурчагума, жунма чалай бурхха Дагъусттаннал ца лахъа-хъун дурминнаву ца язимур ххуттай бушиву арцу-мусил устартгал, заргалтал. Арцу-мусия чюлушиннарду ва цаймигу затру дан килусса, гьунар бусса устартурал кюрттир Гьумучиял, Оьргьрал, Ссугърациял ва цаймигу шяраваллурду. Жунгу ччай бур жунна хъамадитуллул хъусса чюлушиннардаву ва матахраву рухI дишин, вайннуву оьрму чантI учин буван, халкъуннан ккаккьялун дишин, цукун эмаратсса затру дувайсса бюхъуллул заллухъру буссарив ккаккан бувну, цукунсса сянатуру, касмурду ишла хъанай диркиссарив халкъуннаву



Земфира арцу-мусил чюлушиннарду дуллалисса заргалтурал дянив

мурад – республикалул устартуран, заргалтуран ва центр ххирасса

къатта хъун бавур». Зийгу буру ва мурадгу, ваницун цайми хъхьичун

хъхьичирасса шиннардия дайдирухъуну. Буслай буру, дуллай буру мероприятиртту.

- Цукунсса мероприятиртту, выставкарду дуварузу?

– Гьарца шинах жуча дувайссар «Усттар – мусил кару» тисса конкурс. Ваний гьуртту шайссар Дагъусттаннал устартгал. Мудан дувайссар выставкарттугу. Бархъаллал тлахунттив дуван лахъхьин буллалисса ва баргбисуртту шащан лахъхьин буллалисса мастер-классругу. На усттарнал давурттай экспозициярттугу дувара, мукунма бувкнан экскурсия бувара кланттул агьулданун ва хъамаллуран.

- Зучан бучайми ци пишалул, оьрмулул, багъу-бизулул биклай хъунмурчин?

– Жучан чявусса бучай дуклаки оьрчру, студенттал, садикирттайн заназисса мюрши оьрчру. Гъай-гъай, халкъуннал касму-сянатируттай вайннангу хавар биканшиврул, тарбиячитурал ва учительтурал сипгалийну бувцуну бувкисса. Бучай коллекционертал, туристтал.

- Туристтал чявусса бучайрив?

– Мадарасса бучай. Ххаригума шара, вайннан дагъусттаннал

касму-сянатируттай хавар бушиву, къакулмур килу бансса гьира чалай. Хаснува хъунмур никирал инсантурал. Вай Дагъусттанна-ясса сувенирду ичтура ядуллай бушиву буслан биклай. Бучай даврил иширттацун бавхуссагу, хъамал хисаврайссагу. Масалдаран, Хабаровский крайрайсса Дагъусттаннал постпед Байдуллагъ Исаяев увкунна делегация бувцуну. Австралиянавасса хъамалгума бувкисса дакний бур.

- Ина центрданийн циван ва ссал килулу бувра?

– Тгун хъинну гьира биклай Дагъусттаннал культура, аьдатру, шяраваллил касмурду лахълан. Мудангу гьира биклай хъхьича-заманнай дурмуний тамаша буллан, арцу-мусил чюлушинна диклу, унцикуллул устартурал дурмур диклу. Ми цимур-цаннул лавгзаманнушалсса дахлавурххха хтура дуккан къаритлатисса. Тгунма гьира бумуниха зунсса давугу бакрайн дагъунни. Цаймигу ххуи-шивуртту дур ттул даврил. Масалдаран, Ленинкантливсса чу къабаяйсса школалий дуклакисса оьрчачан лавгун мастер-классру бувссия. Оьрчру, ябатин къахъанай, цитI бивкун бия синааьршарая тлахунтту дувайминнах, мукунма баргбисуртту шащаврий, унцикуллул накьич дишаврий тамаша бувну. Расул Хамзатовлул юбилейрацун бавхусса аьрххирдугу дакний личансса хъунни: Ставропольайнсса ва Чачаннавунсса. Чаххуврайсса республикалийгу, Аьрасатнал цайми регионайгу Дагъусттаннал устартурал дурмунил сийгу дур, жугу харачат буллай буру сийлува дуккан къаритансса журалий зий. Халкъуннал касму-сянатируттал фестивалюл ва цаймигу вара журулул мероприятиртту дуваврицун кабакъаврийну Дагъусттаннал ххазинарду багъайкун ябаврих ва гъаз баврих къулагъас душиву чалачи буллалиссар. Хаснува республикалий туризмгу ялу-ялун гъаз хъаныхьисса ппурттуву, жулва пагъму-гьунар бусса устартурая дуняллухъ бусансса, миннал дурмур ккаккьялун дишинсса чарангу, сантту ишла дуван хъанай бур. Муницунна, миллатирттал касму-сянатуру ядаврил ххуллийсса хьитлил хласиллугу цаькъ хъанай дур.

Ихтилат бувсар
Патимат РАМАЗАНОВА

Гьунаргу, бюхъугу лавайсса даражалый ккаккан бунни

Мартрал 25-ний Москва-лив хъусса «Будущее России» ва «Вперед к мечте» тисса Дуняллул халкъуннал творчествовалл коллективирдал дянивсса конкурс-фестиваллай гьуртту хъуну, хъхьичунсса клану бувгунни Республикалул музыкалул ва хореографиялул гимназия-интернатрал «Салам» ансамбльданул. Ва ххуллухъу вайннаща бюхъунни лавайсса даражалый цала бюхъугу, гьунаргу ккаккан буван.

Москвалив хъусса конкурс-фестиваллай «Салам» ансамбльданул оьрчал бувгунни б хъхьичунсса клану.

– Укусса мероприятирттай гьуртту шавриву ва ансамбльданул биалсса опыт буссар. Оьрчру сахналийн бувктари, мудангу къакъабагъавай хъатру ришлай хъунабакъай. Ва ппурттувугу цал архал б хъхьичунсса



клану бувгунни вайннал. Ххуи-сса, яргсса къавтавурттахлу

коллективран дуллунни Гран-при, – буслай бур Каспийск

шагърулийсса Республикалул музыкалул ва хореографиялул

гимназия-интернатрал директор, Хъусрациял шяравасса Абакарова Людмила Омаровна.

Людмилал 20-хъул шинну хъуну дур ва идаралий каялушиву дуллай. Ва бур лавайсса даражалул пишакар. Аьрасатнал аьмсса килушивуртту дулаврил хурмат бусса зузала, ДР-лул лайкъ хъусса учитель.

Шиккува кици лаган, «Салам» ансамбльданул уттинингу, Аьрасатнал ва дуняллул халкъуннал даражалыйсса конкур-сирттай гьуртту хъуну, цимилагу хъхьичунсса кланттурду бувгуссар. Коллективрал магъиршиву ккаккан дурссар Ашттарханнай, Туапселив, Сочилий, Санкт-Петербурграй, Азирбижаннаву, Къзахстаннай, Румыннаву ва цаймигу билятирттай ва шагърурдай.

Имара САИДОВА

Жижара


**МАЖИДЛУЛ
ДУШ БУГЪРАЕВА
ПАТИМАТ**

Мубараксса Рамазан зурул 20-нний 94 шинал оьрмулуну аьпалухъхун лавгунни дакI-аьмал хъинсса, захIматрал тарбия бувсса, Бутгал IкIанттул цIанийсса Хъунмасса дяьвилул чIумал хъунмасса захIмат бувсса, ххаллисса хъамитайпа, ЧIяйнал шярватусса Бугъраева Патимат.

Патимат буну бур 1930-кусса шинал ЧIяйнал шярву колхозниктурал Мажидлул ва Качардул кулпатраву.

ЧIяйнал дянивмур даражалул школалий 7 классу бувккуну, ЯтIул партизаннал цIанийсса

колхозраву 4 шинай зий бивкIун бур. Муния махъ 7 шинай зий бивкIун бур Буйнакскаллал Пишевой комбинатрай.

1965-кусса шинал цила ласнашал, ХIаидлушал, лавгун бур цIуну буллалисса «ЧиркейГЭС-стройрай» зун. Гиккува вайннан буллуну бур кьаттагу.

ХIаидлул ва Патиматлул хъуни буну бур 3 арс ва 1 душ. Нясившинна дакъахъунссия, ччясса мутталий аьпалул хъуну ур 2 арс.

Ци даврий, чув зий бивкIун бухурчагу, Патимат бия бусравсий ххисаласса, хIурматрайсса инсан, зузала.

Патиматлул бувсса захIматрал кьимат бившуну бур: ва бур

захIматрал ветеран, хIалал дурну дур диялсса хIурматрал грамотартту, медальлу, барчаллагьрал чагъарду.

Патимат ахиратрал шаврил пашманшивугу кIидачIлай, дакIнийхтуну жижара буллай буру ванил арснахъ МахIаммадлухъ, душнихъ Наидахъ ссил арснахъ АьвдурахIманнухъ, ссил душваврахъ Бадуржиганнухъ, Соняхъ, Качардухъ, Халуннухъ ва махъсса мачча-гъаннахъ.

Алжан булуннав, цил бунагьирттал аьпа баннав, рухI бигъаний дишиннав, махъ ливчIминнал оьрмурду лахъи баннав.

**ЧIяйнал жяматрал цIания
ТIалхIат АьвДУРАХIМАНОВ**


**МАХIАММАДЛУЛ
АРС
ЛАХЪИАЬЛИХЪАЛ
ИБРАГЪИМХАЛИЛ**

Уттигъанну 40 гъантта кIицI лавгунни, ляляян бан захIматсса апатI хъуну аьпалухъхун лавгсса ЧIяйнал шярватусса МахIаммадлул арс Ибрагъимхалиллул.

Ибрагъимхалил увссар 1936-кусса шинал цIанийсса Лахъиаьлихъал МахIаммадлул ва ХIамзахъал Кьисттаманнул кулпатраву.

1955-ку шинал ЧIяйнал дянивмур даражалул школагу кьуртал буну, Ибрагъимхалил дуклан увххун ур Дагъустаннал шярваллил хозяйствалул институтрал ветеринар факультетрайн. Му бувккуну махъ захIматрал ххуллу байбивхъуну бур Ахъушиял райондалул БурхIимашиял ветеринар участокрал хъунаману зузаврийну.

1962-ку шинал, Ккуллал райондалул хъуниминнал тIалавшиннарайн буну, Тайла увккун ур Бакресуллал ветучастокрал хъунаману. Ва хъинну жаваблувсса даврий Ибрагъимхалиллул цува ккаккан увссар цалла

даву куртIну кIулсса, лавайсса даражалул пишакар ушиву. Муния махъ чIярусса шиннардий зий ивкIссар Ккуллал райондалул ветеринар участокрал хъунама хIакинну. 1984-ку шинал ивтссар Ветстанциялул хъунаману. Ва даврий кьуллугъ-аякъа дан багълай бивкIссар 170 азарва яттих, 12 азарва гьаттарак, жяматиртталми хIисав бакъа.

Ибрагъимхалиллул даврин лавайсса кьимат бившуну, СССР-данул Верховный Советрал дуллуссар медаль «За трудовое отличие». Муния махъ Ибрагъимхалил увцуссар зун Ккуллал райком КПСС-рал инструкторну, микку унува – Ккуллал шярваллил хозяйствардал профсоюзрал председателюну, райсоветрал депутатну.

Гьарцагу цува зий ивкIсса кIанай, Ккуллал райондалул жяматрал дянив мудангу лахъсса диркIссар Ибрагъимхалиллул сий. Ца яла бусравсса ва махъ нанисса чувну уссия ва цала агьлу-авладрал вивгу.

Ванал хIалал дурссар «За служебный ветеринарный врач Республики Дагестан» тIисса цIагу.

Райондалул учительтурал дянив хъунмасса хIурмат бусса цала кулпат Минажатлушал, хъунигу буну, чийвун буккан буссар ххаллисса 4 арс ва 2 душ.

ДакIнийхтуну сса кьурчИшивугу кIидачIлай, жижара буллай буру Ибрагъимхалиллул кулпатрахъ Минажатлухъ, душваврахъ Загьидатлухъ, Земфирахъ, арсурваврахъ Бунияминнухъ, Эльбруслухъ, Идрислухъ, Муслиннухъ, куявтурахъ, арснал хъаннихъ, ссурахъаврахъ, цинявпагу мачча-гъанминнахъ.

Цал бунагьирттал аьпа баннав, рухI бигъаний дишиннав, махънал оьрмурдай барачат бишиннав.

**ЧIяйнал жяматрал цIания
Шалласу ШАЛЛАСУЕВ**


**БУГЪАННУЛ ДУШ
МАХIАММАДОВА
ШЮЬБАНАТ**

Оьрмулул 87 шинаву аьпалухъхун лавгунни чIярусса шиннардий Лакрал райондалий гинекологну зий бивкIсса, хъинну чIявуссаннан кIулсса, бусравсса инсан, цила пишалул ххаллисса специалист, Бугъаннул душ МахIаммадова Шюьбанат.

Шюьбанат буну бур 1937-кусса шинал Вихьуллал шярву. ЧIяйнал дянивмур даражалул школа кьуртал буну махъ ванил бувккуну бур МахIачкъалаллал медучилище. Ва кьуртал бунния шийнмай зий бивкIун бур кIира шинай фельдшерну Вихьив. Муния мукъахъ бувххун бур Дагъустаннал паччахIлугърал институтравун, вагу кьуртал буну бур ЯтIул дипломрай.

1967-ку шинай 1973-ку шинайнин ва зий бивкIун бур Бабаюртул райондалий ЦIусса Касалул участокрал азарханалий. 1973-ку шинай 2012-ку шинайнин бияннин Шюьбанат жард къаувкуну зий бивкIун бур Лакрал райондалул азарханалий гинекологну.

Шюьбанатлул хIалал дурссар «Дагъустан Республикалул лайкъ хъусса хIакин» тIисса бусравсса цIа. Ва лавайсса категориялул хIакинни, захIматрал ветеранни.

Шюьбанат аьпалухъхун лавгаврил пашманшивугу кIидачIлай, дакIнийхтуну сса жижара буллай буру арснахъ Расуллухъ, душваврахъ Маринахъ, Динарахъ, Аидахъ, Наидахъ, куявтурахъ ва махъсса цинявпагу уссур-суннахъ, гъанмаччаминнахъ. Цил рухI алжаннул ххари даннав, махъминнал оьрмурдай барачат бишиннав.

**Вихьуллал ва Хьурттал
жяматру**

Аьралий кIулшивуртту дулаврил центр

Дагъустаннал техникалул университетрал студентъурахъ балжину бувсунни ДГТУ-луву хIасул бувсса аьралий кIулшивуртту дулайсса центрдания (ВУЦ ДГТУ).



Ва хъунабакъаврий гьуртту хъунни ДГТУ-лул ректор Назим Баламирзоев, центрданул вакилтал, 2-мур ранграл капитан Далгат Каибов, шамилчинмур ранграл капитан Николай Блохин, экономикалул ва администрациялул даврилсса буллалисса проректор Митхат Аьлибеков, Дагъустаннал аьралий комиссариатрал призыврал отделданул хъунама Явнус Жамбалаев. Спикертурал бувсунни студентъурахъ, ВУЦ кьуртал бивминнал цукунсса къулайшинна дуссарив, къамул цукун буллантаиссарив.

– Республикалий укунсса центр тIивтIусса цамур вуз бакъассар ДГТУ бакъасса, ца пиша лахълай унува, аьралий ишругу лахъхъинсса. Центрданувун къамул баву хушрайссар, цивпа дуклан гьирай хъхъичIун хъу-

миннанни кабакъу бувантIисса. Шиккусса дуккавугу аьралий бурж биттур баврин хIисавссар, гужирдал структуралий зун ччясса бухурча, армиялийн къалавгун бунува, центр кьуртал бувайхту, зун хъунтIиссар», – увкуна Назим Баламирзоевлул. Цаппара гъантрал хъхъичI ва центрданул иш-тагъарданул ялтту уккан увкIессия Аьрасатнал ВМФ -лул Хъунмур командованиялул кьуллугърал каялувчи Эдуард Луйк. Ванал кIицI лавгуна ххуйсса даражалийсса центр тIитIаву, университетрал тарихравугу бакъагу, шалагу республикалул тарихраву агъамсса ишну хъушиву, аьралий касмусянатру ххуйну кIулсса жагьилтал хIадур буллалаврия мюнпат бикIантIишиву.

Патимат РАМАЗАНОВА

Баян

«Илчилий» бишлашисса жижараттал текстру буссар укунмасса жижара – 400 къ. суратрашалсса некролог – 500 къ.

ЧIярузивурдайсса кьатрал хIакъираву

ДР-лул жилищный инспекциялул каялувчи Сергей Касьяновлул бувчIин бунни чIярузивурду дусса кьатраву дурсса дахханашивурттал хIакъираву.

Гьашину апрель зурул 1-нний тийнмай чIярузивурду дусса кьатраву дурсса цукунсса-дунугу дахханашиву хIисав дуллалиссар планировка даххана даврин.

ЧIярузивурдайсса кьатрайн дагъайсса закондалуву хъусса цIушиннарду дур кьатраву дуллалисса цумур-духурчангу дахханашиву икьралданий дуллансса.

Утти кьатраву ремонту дуллалиний ягу инсантал ялапар хъанай бивкIсса кьатри цамур журалийн кIура даен дуллалиний, цIусса технический плангу дурну, цасса паччахIлугърал недвижимостьрал реестрану-щалул бавкьуну, цалийн буцин аьркинссар.

«О государственной недвижимости» тIисса закондалий хIисав къабуну бур кьатрал плани-



ровка даххана даврил масъалартту чIярузивурду дусса кьатрал хIаллихиннарду дузал дуллалисса компаниярттайгу бишин аьркиншиву. Практикалул ккаккан буну бур планировкартту даххана дурсса кьатраву аьлтту хъусса диялдакъашивурттайн буну бивсса зараллал хIакъираву

жаваблувшиву дуллан багълай бушиву хIаллихиннарду дузал дуллалисса компаниярттан.

Сергей Касьяновлул личIинува кIицI лавгуна, чIярузивурду дусса кьатраву дахханашивурду дуван къадагъа дирхъусса цаппара кIанттурду.

ЧIярузивурду дусса кьатраву ихтияр дакъассар шинайсса гъили полу дуллан ва ми аьмсса отоплениялул турбардашун дазлан, газрал плита дусса кухнярдуну залданувух хIала бакълан. Къадагъа дирхъуну дур цалчинмур зивулия ларай балконну гьарта-гьарза дуллан, санузелданул ва балконнал бухкIуллу букълан. Мукунна ихтияр дакъассар шин дусса кухня, санузел цамур кIанттай буллан, вентиляциялул ххуллурду чIивихъун буллан ягу букъан буллан, отоплениелул батареярдуну балкондалийн бизан буллан.

Имара САИДОВА

Лакрал халкъуннал учаларттава

Аман чулинмай чурттай, чил бакъанинмай хьулуй!

Акълукар махъ бусанни-на увчай.

БакІрал хІисав къадарчан, яру ккутІрур.

БакІ бунан бакІлуттирал къяпа чан бакъассар.

БакІ магърах ялугълай къа-дачайссар.

БакІ бакІссаксса пикригу бакІссар.

БакІрайра икърал дарчан, махъ паишман къашиайссар.

БакІраймуних мауруглар-дача, бакІравумуних вичІи диша.

БакІ буцири циняв акълу-карталгу бакъар.

БакІрал ччаннахъ акълу къацІуххайссар.

БачІва чІаллугу бакІ ссу-кІа дургъуссар.

БакІуйнна тІий гьукІуйн агьунни.

Бавмур ккавкмуниха ла-щан бан къашиайссар.

Багъавайсса чІира чІучІ-лугу бутайссар.

Бакъагу чара бакъасса, бу-нугу чаран бакъасса.

БавхІунал ттигу ттири-хІача.

БакІрава ливхъун лавгсса акълу зана хьуннин ссу-кІа уруглай ур.

БакІ чІирайх мабишларда – цун хьунтІисса винмарча.

Базаймагу инава, лияйма-гу инава.



«Илчи» – маслихатчи Рамазан зурул ливчІми гъантрацІунсса маслихатру



БувкІсса кІул хьуннин, лагавай бур Рамазан барз. Хьунма хІал ливчІун бакъар зурдардиву яла караматмунил, яла ххирамунил жулва къушру къабитан. Жулва буржугу лирчІмур чІун шайссаксса барачатну, мюнпатну гъан давур, АллагъначІан шайссаксса гъан шавур, жулла дакІру марцІ дуккан давур.

Аллагънайн вихсса, дин-чак дуллалисса инсаннан Рамазан барз къуртал хъанахъаву бур ххариссагу, ванишала архІал пашманссагу иш: ххаришиву – ялун нанисса Аьрапалул байран, пашманшивугу – шинал зурдардиву яла язимуру ялату най буну тІий. ЛивчІми гъантрайгу дувара шайссаксса чІярусса дуарду, эбадату, ттинин къадургъухурчагума, дугъира лирчІми зумарду. Рамазан зурул махъра-махъсса къинигума дакІнийхтуну хІарачат булларча, Хьунасса Аллагъ цала лагънал бунагъиртгал ялтту учІайссар тІар.

Ялунсса Рамазан зуруйннин

диянсса куцуй ва Рамазан зурул ливчІми гъантрай шайссаксса дуцІин дувара зулла дакІру марцІшиврул, хьиншиврул, цІимилул.

Рамазан зурул махъсса гъантрай цал ххишала балуцІира Аллагънайн суждалил, дуардай. Дуван аьркинсса дуардугу, цамургу дувара шаппа къатта лакълай буна, ххуллийх най буна, автобусах ялугълай бавцІуну буна ва м.ц. ЧІун оьнна гъан мадитару.

Шайссаксса чІярусса хьин-

баларду, садакъартту бувара. ДакІний битияра ва зуруй дурсса мюнпатсса чІирисса даву зучІанна хьунмасса чирину, бахшишну зана шайшиву. Зушава шайсса кумаг бувара захІматсса тагъарданухун агъманан.

Хъамамабитару зума дугъаву му анжагъ дукаймуния ва хІачІаймуния махъаллил шаву дакъашиву. Му гъарца заралмуния, аьркин бакъасса ихтилатиртгая, сситтуя, зидлия, мюнпат бакъамуних буруглагаврия ва чІярусса цаймигу кІанттурдая махъаллил шаву душиву. Вай махъсса гъантригу гъан бувара ва кІану дакІнийну, зура дуллалимуних, зува тІутІимуних, зува вичІи дихълахъимуних цал ххишаласса къулагъас дуну.

Булара зухъхьунма зува суаллу. Къимат бишара зунма – циири нара дурсса ва Рамазан зуруй, ссайнна ивсса, ссайнна хъит тІутІисса. Ва кІанттуя кумаг хьунтІиссар зун зура дурсса хьин-хьинсса давурттая неъмат ласун, дурсса къахъинми давурттал ялувугу хІайп учин, Аллагънахъ ялтту учІу учин.

Къамул дуваннав Аллагънал Кзул дуарду, дургъусса зумарду ва бувсса хьинбаларду.

**ХІадур бувссар
Бадрижамал АЬЛИЕВАЛ**

Спорт

Аьрасатнал первенствалий – ряхра медаль

Оренбурглив кІумур атлетикалул Аьрасатнал Первенствалий Дагъусттаннал чачІундур командалул дурххунни 2 медаль.

102 килорай уклай ивкІсса ХІамзат Пашаевлул 2-мур кІану бувгъуну бур.

Двоеборъелий ванал гъаз дурну дур 205 кило: рывокрай –

92 кило, толчокрай – 113 кило.


Мура кІушиврий уклай ивкІсса МухІаммад Эльмурзевлул чачІу гъаз дурну дур 204 кило: рывокрай – 90 кило, толчо-

край – 114 кило. Ванал бувгъуну бур 3-мур кІану.


Дагъусттаннал штангисттурал командалул первенствалий дурххунни 6 медаль, командарттава бувгъуну бур 2-мур кІану.

ХІасан АЬДИЛОВ

МАХІАЧКЪАЛА



Гъавалул тагъар



ГЪУМУЧИ



Газета «Илчи» (Вестник)

Учредитель:
Агентство информации и печати
Республики Дагестан

Хьунама редактор:
Къардашов Р. Аь.
Тел.: 66-00-59

Хьунама редакторнал хъиривма:
Башаев Р.М.
Тел. 66-00-59
Редколлегия:
Адамов АьбурахІман
МахІаммадович
Аьбуллаев Сапарбаг Аьлиевич
Аьлиев ХІажі Сулайманович
Исрапилов Артур Анварович
КъурбанмахІаммадов Чанкура Рама-
занович
Маммаев Сулайман
Нураттинович
МахІаммадов Юсуп ХІамидович
Хаппалаев Аслан Юсупович
Хасаева Гульшан Рамазановна
ХІажимирзаев Зиябуттин
Абусупиянович
Шалласуев Шалласу Рамазанович
Эльдарава Роза ХІажиевна

Отделлал редактортал:
Аьбуллаева А. П.
Аьдилов ХІ. А.
Рамазанова П. ХІ.
Тахакъаева З. К.

Корреспондентъгал:
АьбурахІманова З. Т.
Аьлиева Б. Д.
Саидова И. А.

Корректор:
АхІмадова А.И.

Кказитрал компьютерданул цех:
Абакарова К. Н.
ХІажиева З. У.

Кказитрай дурксса макъаларттава кІицІ лавгмур тІайлашиврул жаваб дулайссар чивчуманал. Редакция макъалалул залуннал пикрилий рязину бакъахъурчагу, макъала рицайссар, жяматрал цаламур пикри бусанссар тІисса ниятрай. Кказитрайн дуркІсса макъаларттайн рецензия къачайссар ва ми залуннахъхьун зана къадайссар.

Кказит буккайссар ножмардий цал. Шинай итабакъайссар 52 номер.

Кказитрал индекс. П7046
Тираж – 2002 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail: ilchi@etnomediadag.ru
http://ilchi.info
Тел./факс. 66-00-59

Газета «Илчи» зарегистрирована
Управлением Федеральной службы
по надзору в сфере связи, инфор-
мационных технологий и массовых
коммуникаций по РД.
Рег. ПИ № ТУ 05-00424
от 30.04.2019

Газета «Илчи» отпечатана
в типографии ООО «Издательство
«Лотос».
367018, РД г. Махачкала,
Пр-т Насрутдинова, 1а
Срок подписания в печать 19.00.
Подписано 19.00.
Цена свободная



4 651116 280051